





江湖長翁文集目錄

宋高郵陳造唐卿撰

明仁和李之藻振之校

五卷

五言古詩

張秀才復留爲作

次臧秀才讀蘇集

送臧子與子儀之楚州告免解二首

寄陳用晦四首

次余簿韻

檢旱望磕山

三山磯



謝宋宰惠玉友麴方

病起閑步

示師文

辛丑春雪甚意有感

答毛叔子

有歎竝次韻共二首

王曹小燕玻瓈分韻得路字

送李監嶽二首

次韻王漕燕玻瓈

題五柳先生詩編年後二首

次章房陵韻共八首

次梁教章宰喜雪韻九首

贈章宰並次韻共二首 呈交代

至喜鋪

報恩方丈小憇二首

十詩謝廖計使

涑口守風

買薤

渡楊子

赤口灘

鴈汊東守風四首

題解禹玉文卷後

贈廣教主人並次韻共二首

次前韻

清明西湖再次韻

六卷

五言古詩



旅館三適三首

官務

犇牛堰

呂城堰

命書

正學

財昏

聽政

錢弊

次韻林郎中相送北歸

次韻楊宰

送羊侯因簡崔帥

題陳守宰仁和無倦堂二首

次韻楊宰共二首

贈張德恭

次韻張守阻冰

遊北山並次韻敬字共五首

分韻得家字

遊乾明分韻得山字

小飲頰江樓分韻得俯字

招朱法曹趙宰趙子野飲二首

儀真諸公餞別

真州諸公語別

送趙夷仲南歸

立秋日

寄巖文炳十首

次韻楊宰檢旱野宿

題劉行父淨香軒

次姜堯章贈詩卷中韻五首



次韻林子長計使  
次林子長韻共三首

陳宣卿為予作後雕圖

次趙判宗送李象山韻二首

次程帥勸農和陶詩韻  
程帥和陶詩見憶次韻

卷之六目錄終

江湖長翁文集目錄

宋高郵陳造唐卿撰

明海鹽王廷俊君英校

七卷

七言古詩

明妃曲

題趙伯政醫俗軒

記夢示師是

百花樓

柘臯短吟

急筆贈歐處士

題胡處士猿麋圖



題劉明府所藏秋江欲雨圖

送項平甫教授之成都

題 欽廟主器時所作登瀛圖

布穀吟 薄薄酒

讀師文和郡侯喜雨詩次其韻

娟峯 墾山叟

竹米行 聞舒州書生聚衆爲盜

田家嘆 寄馮尉

鶴帶箭行 招鄭良佐

送瑞蓮新米白酒與韓監倉

臘茶并三詩送李元誠 喜雪六首

東園詩寄興化吳從道

葉進卿寄和章次韻共二首

次韻寄進卿共二首 喜雪篇

次郭祕正韻 試俞珣筆呈羅人著

春雨寒甚作長句 王秀才亦愛軒

寄鄭良佐 贈龔養正二首

次韻嚴上舍讀書目昏 謝韓幹送絲羔



韓守松卿索近詩

食晚菘新筍

題姑蘇南道者庵

八卷

七言古詩

贈鹽城諸友

歸自淮南雪行呈張鹽袁憲

龍泉

登龍泉山

丈亭

癸丑勸耕淨居

贈妙勝主人

贈趙排岸兼簡汪尉

雲巖曉二首

淨居主人索詩急筆賦

送雲巖老住天寧寺

識村翁語

魏知元有贈仍索詩作此言別二首

贈送行六子並次韻共二首

謝儀真諸公

繁昌縣感舊

琵琶亭

題陳主管東牆三峴圖

次許節推喜雨樂字韻共九首

次韻梁教授二首

次韻梁廣文重午弔古二首



急筆次梁教韻

高頭市

謝高機宜惠紙

寄安撫程丈

次程安撫蟹用詩字韻共九首

寄程安撫

贈安道士

卷之八目錄終

江湖長翁文集卷之五

五言古詩

張秀才復雷爲作

郵城望繁川渺莽天一隈親知非不多噬肯一來游張  
侯我石友前輩放一頭逃俗火避濕赴義鷹辭鞞窮谷  
喜足音况接大雅流前之翩然來今復欣然雷茲非爲  
我歟厚意胡宜疇日邊有知己崇論親冕旒故人書杳  
來擁麾淮上州置彼肯就此與世風馬牛文字有至味  
過從無珍羞山院作僧過竹靜荷氣浮載下東野拜幸



貸別離憂從渠夸奪子見謂君何求

次臧秀才讀蘇集

秀才甚文  
子未識也

自我得蘇集玩閱幾忘年汲甘乏脩綆適遠疲短牽取  
一丸不隨望若終茫然子齒始半我用志超我先晶熒  
出秀句妙斷遺雕鐫此翁淡堂奧駢闖誰敢專潢汚置  
不云學海須百川怪子介且方落筆盤走圓子真蘇門  
徒豈獨長短篇平生脩月手不補衣履穿秦黃晁張陳  
衆星耿霜天世儒昂其首指似如登僊子起斯人後遊  
刃牛無全邢娥望可知衆女空丹鉛何時班荆地解我  
心懸懸卽今清夜夢不止懷昔賢

送臧子與子儀之楚州告免解二首

二臧如靖女不受朱粉加尹姬望邢娥宜著帝者家向  
來揚蛾眉衆象怒以呀指玉謝堅潔擘肌起疵瑕去汝  
忽若蛻人與室俱遐玉臺鏡如月滿意事鉛華九重訪  
娟麗萬目看嫋嫋當使听听者昂首七香車

昭代論豪傑崔侯允武文小却折遐衝厚用當致君敷  
政極中和殖學根典墳士有珎玉岐公自涇渭分何人  
非教育二臧實不羣兩兩計偕去名猶壅上聞試袖于



薦歌往拜劉將軍心醉公瑾前何待麴蘖醺

寄陳用晦四首

時陳對移蕪湖

昭代儒者尊青雲坦脩塗卽今子陳子尚歌于薦于滿  
歲不自保爾俗苦好誣向來撫字工督課有不如

百謫孟公達三緇柳下直令君向于湖頗帶遷逐色府  
公酷好賢要試心鐵石此學祇現前嗟傷定何益

詩翁磊塊胸大邑佳麗地瓊也領蝟蟻懿也目秋水清  
歌醕碧筍粗足令公喜醉呼翩欲仙誰要卿料理

我初識蘇仙談詩達旦夕君今與提衡當復詫此客一

代紫微公文采耀楚澤歸來要同登斲句尉英魄

歸來張安

國堂名

次俞簿韻

棋於俞家愛小荷併以長句分惠作此

昔賢識紫芝不恨生叔季同寮得若人襟宇極冲粹相  
過鄙吝忘滿抱昔賢意傷睨能穢兒真堪裂人背棋枰  
消暇日竹軒蔭疎翠不作沮如臨纖鈎笑侯喜愛此小  
泓渟歷亂青鈿委大篇副么荷乞一仍得二政須傳生  
徒未暇藏篋筭辭源深莫窮歸牛定浮鼻紫芝不詩鳴  
較君同而異游藝復友賢老懷隨所寄莫嗤學奕秋更



江州長翁文集卷之五  
想鴻鵠至

檢早望磕山

長塗並江沙我行頗寂寥登高望西南羣山如湧潮朋  
騰勢相排又如羣馬驕磕山乃孤峙坐受羣山朝雲斜  
復煙橫助爾干碧霄虛氣信所聚神物不汝遙有龍窟  
其趾貝珠麗宮醮豐凶執其柄禱禮走黎苗胡爲今茲  
早不能澤枯焦史巫歲紛若無乃徒囂囂奔馳吾得辭  
未救民腹枵問龍當厚顏溪池臥逍遙

三山磯

江頭數羣山駢蹤各崢嶸茲山挺秀出乃以三山名三  
山戟拔立離合煙雲橫巨麓截水出石轉爲微行倒影  
射江北陰森如未晴盤渦觸岸去勢若蛟龍爭狹岸束  
洪流突怒起不平舟楫復往來立者瞻爲驚

謝宋宰惠玉友麴方

夫子如周郎卽之疑飲醇相從不踰歲遽欲瀟湘秦此  
生憂患餘欣助嗟無幾安得如公者莫逆與終始麴生  
到我室莫贄心已傾醞藉非俗輩面作玉雪明挹彼醇  
厚資春意生戶牖非公介其間未易交此友此友仙者



流勿藥氣自和此方不用藥著我無何鄉顧能蠲積痼月團

信佳人業工敗人意使我百慮攻愁城不餘地雖無叔  
夜書泛交方自訟平生一鮑子世莫知管仲悠然甘不  
懷交道自久長因渠念公他端人更難忘

病起閑步

青女橫侵鬢渠堪連日飲黃媪不克家倏伏半月枕陰  
陽有酣戰藥劑闕上品衛生忘周防內愧每流瀋今朝  
步崇崗晴日貸餘凜江波毅動鏡嶺雪印塗廩竹間小  
梅花幽香到襟袵去春無幾日鳥哢如見諗酒瓢隨短

藜舊盟聊復寢詩句疇物華是口不容噤

示師文

時在當塗

樸楸已非材骯髒遽成翁生無適時具何向不塗窮賴  
結文字緣人士飽過從三年尉山邑趣操有同風博古  
得二臧秀發仍兩鍾蔣侯厚本學落筆語更工我十當  
塗居薪米耐闕供從渠得琢磨遺汝不已豐士生在知  
道寡陋難言功會理貴博觀受物由虛中潢汙不揚漪  
大江日傾東遲汝草靈光一觴壽乃公

辛丑春雪甚意有感



歲序各司存雪神庀厥終度臘不成白接春吹早風井  
脉青煙起地毛黃埃蒙東君借一怒六合玄雲同玉龍  
專獨夜紵帶縞長空破曉歛三尺山川積蘇中宿麥賴  
一溉園林潛動容繫此玄冥事春皇豈挑功瘵官可辭  
責代庖容非恭風霜與暘雨不時皆疹零卽今雪擅春  
何異雷鳴冬方靳焦槁息未暇尤化工緬懷虞周下賢  
哲多不逢權柄在掌握秦越眎困窮變故方沸渭頃刻  
分吉凶君子諉不謀或非世用充當知寸有長瑱瑱卽  
疇庸鮒也勝土苴顧能魯使東鳶肩旣歐刀五孺各疏  
封融約漫百數不當劉係宗稊稗實枵腹常以歲不豐  
奇疾待烏喙參朮渠能攻高位有不稱坐令虵爲龍快  
意雖目前道揆終龐茸惟昔道興世聖賢啓泰通元凱  
森帝庭十亂拱法宮盡屏欺負徒鯀堯變夷戎此人如  
此雪胡寧久長雄小乖見睨期適貽吾民痾仰天欲三  
歎義馭暎朝紅

荅毛叔子

章甫不價越滌洗或彊吳事以適時重投暗恐類愚毛  
子抱高學眇睨大小儒過閱幾公卿攜文及吾廬我窮



江漢長翁文集卷之五  
三百十七  
劣識字三讀起長吁妙處未遽了君意無乃孤勸子俛  
從俗青紫摘領須他時不朽託一一世楷模

有歎

應事如應敵收功端有素詩乃隨景遷預計幾膠柱鼓  
吹月明秋當時亦佳句見卯求時夜竟爲陰雲妬想像  
蘄爲工故智那用據向來東遊意夢境騷人賦出郭帶  
月行過山衝雪去風力馬欲却寒氣鳥不度舊擬忽新  
偶自笑邯鄲步與世甘數奇失意資一悟覆却從萬方  
倏然隨所遇吟情形前影塵事風外絮

次前韻

郊原二月天節物屬丹素山風歛雪花野屋欲氷柱破  
除酒邊興截斷口前句誰將萬玉妃一一事嬌妬東皇  
不無情退縮自失據史君文章家客子舊能賦茲游豈  
偶然擬作袖手去江梅孤舊約桃花悵前度漂忽幾何  
時林影映沙步層雲放暎日瑩澈等僧悟一笑百慮餘  
如世有晚遇預知詩及門新語謝鹽絮

王漕小燕玻璃分韻得路字

去年客京華酷暑不可度時爲冷泉登稅駕脫巾屨風



外雜佩鳴松根一竇注可聞不可挹已足盪袪暑竭來  
黃埃中夢遶湖西路寧知虎頭側碧溜依紺宇琤淙響  
琴筑噴噴起霏霧餘潤碧苔滋照影紅葵嫿涼氣濯毛  
骨寒聲到樽俎况陪持斧翁觴詠澣塵慮坐著錦囊生  
歌煩桃葉女向來湖西亭聽泉渠須數逼人灑清寒如  
翁玉雪句更喚泉間龍爲霖下山去

是日小雨愆期

送李監嶽二首

蓋從周信道學詩者

李侯西州英早著武士冠揭來淮上郡鷄羣見翠鸞清  
詩萬卷餘脫手走銅丸初聽耳目醒再讀毛骨寒解榻

一甌茗敢作麤官看今者連日語袞袞爲發難中年可  
堪別別君倍悲酸書來有新句政用驅愁端

寥寥黃陳後詩律日就卑京江一燈續天乃不憖遺念  
君從之遊十年墳應篋盡渠磋磨巧况君粹美資奪標  
快一得不計弟子師向來誦新作格力欲並馳扃戶玩  
明月寒餓用一岐及今辦一飽無取空名垂

次韻王漕燕玻黎

輕颺度翠密碧溜下峻嶒飲處凌埃塹談間忘鬱蒸何  
物辟塵犀墮我玉井冰落水錦繡段酬贈慙未能



題五柳先生詩編年後二首

淵明英傑氣不減運甓翁漫仕徑拂衣高枕北窻風平  
生經世意蕭然詩卷中卯金納大麓正自竊鉄雄妖雛  
自取死遽敢貪天功斯文未斲喪吾道聊汚隆把菊得  
沉醉直氣歛長虹區區記隱德史筆殊未公

邱報議麟經卜書日羲易曲學暫雲曠日月豈終蝕陶  
翁詩百篇優造雅頌域九原不容作妙意渠能測今君  
語析塵指示了皂白定知泚筆人斜川舊仙伯毫釐無  
餘蘊領覽飽新得言下悟永師吟邊識圓澤

次章房陵韻四首

老驥挺高骨彌耳塵中馳鄰女嫁不售泣向流黃機與  
子落窮山坐無適時姿濠梁莞一笑遊鱗噉風漪  
詩法究源委今古有正傳寥寥風騷後誰定執此權杜  
韓到黃陳刃藏牛無全愧我蠹負山良夜卓兩肩  
章子五車讀詩外未一施清篇忽見屬了不計吾誰授  
暗率如此世路空暮遲獨無牙曠手並坐絃君詩  
詩社有血指鈎刀齒魚腸橫江限一鎖未易枝龍驤山  
澤護我瑕珠壁耀我箱勝譚當不遺茗果秋夜長



再次韻

咄咄嗟數奇覷覷笑坐馳超然達觀士顯晦用一機夫  
君抱器業軒豁見奇姿付我舟一葉縉絲漾清漪  
覆觴課五升秘訣不待傳百里三萬家優主師帥權坐  
肉荒歲骨豈但醫十全高郎徑刺史况論檐弛肩  
世人競捧心妍醜西東施揮斤得妙質捨子吾從誰所  
惜憂患餘歸計不暇遲繼今省幽獨鴈足特新詩  
平日四方念見謂石作腸卽今還家夢絆驥首屢驤不  
作垂橐歎藏書頗青箱此燈可無傳兒孫共翁長

次韻梁教章宰喜雪

袖手飛雪前徒有風雅渴久親無言子此與今莫過兩  
君壯藻思詩柄專殺活可須龍伯睡驪珠乃平奪長翁  
久荒廢坐受兒女聒愁城正合圍醉鄉况禁謁詩來起  
我敬一嫡眇衆孽此雪更此詩清晤乃細閱晶熒盤走  
圓便旋玉爲屑汎掃無惡氛肯繁有妙割解願得康鼎  
和羹本商說技癢吐復吞正恐請燕說山城僧舍似休  
務况佳節可疎觸寒過一笑卷蕉葉作詩供捧腹巴唱  
酬白雪



再次韻

窮臘缺膏潤何異客病渴龍伯供雪事落勢不受遏續  
紛一再餘旋報焦卷活去年痛無年回首氣尚奪流亡  
何紛紛哀訴良聒聒爲民倒陳紅擬效叫閭謁繡衣肉  
骨手大帚掃妖孽貸金今可償復許歲再閱秦越作肥  
瘠德人終不屑協氣非挽回何以救方割想聞三白訊  
把酒頰爲說嗣歲屈指計老農聚頭說團欒飽餅托市  
鬻追時節忍思狼狽初草木茹根葉苦樂倚伏間此耻  
幸一雪

再次韻

平時豪飲與人議老羗渴駿蹄就康莊中有谿澗過俛  
仰三十年僅作扶病活樂事生無幾造物忍見奪謝安  
晚多感正賴簫鼓聒胡姬賣酒地緬想不容謁卽今少  
年夢尚苦法士孽兩君詩酒豪將壇最閎闊左顧得投  
轄勝譚看吐屑雪天僕爲更盤飯鮮粗割共憐后山窮  
塊處但禪說一飽共此客矜向鄰里說問疾不厭煩他  
費尚可節官塗計離合江海浮一葉別期後歸燕光陰  
等消雪



遣興次前韻

斫水斬斷流，捻鹽寧療渴。區區守荒學，籠鳥眩樊遏。向來麋鹿姿，祇可樵牧活。始其事誦數，魄似窮鬼奪。文字取憎疾，見謂蝸蟾聒。回首輩行人，班劍或朝謁。方嗟沈帶城，正坐河魚孽。分無青雲上，但有枯策閱。峩峩指頂地，羣口免騷屑。醪敷兒爲供，蜜脾手親割。弊帚非世用，槁梧取已說。非君莫逆者，此懷誰與說。反求每自誑，百行收一節。西來傾藁冊，又滿三百葉。暮年了無得，付子鏡中雪。

雪再次韻

卑官望雪心有賦，繼夢渴旱氣。方兆朕造物，工式遏山城。窮陋地民以牟麥，活卽今稼事實。趙壁還秦奪，忽訝天雲近。旋遭烏鳥聒，豐年得奇識。賀詩造佳謁，了知叶氣熏。人定銷天孽，老眼眩鹽絮。已不啻三閱，瓣香爲神報。無乃笑瑣屑，絕望羔酒醉。作意鷺股割，賞雪須佳客。生恐無此說，來年當更好。可但老農說，來春還家吟。要使君擊節，今朝泚筆否。浩蕩對雲葉，儻肯躡凌兢。黍椀更一雪。



雪夜與師是棋次前韻

投醪士或醉說梅人不渴窮途餘樂事不受憂患過詩  
可供呻吟棋亦識死活朝來喜雪句神藥胎可奪一枰  
與兒晤斷無市聲聒既免沈舟讓不作賭墅謁指冷良  
易忍眼花苦爲孽疏置仍作罽隨意略細閱爪葛勝負  
間時亦近屑屑策幾奇兵塵地比弱王割吾非江左管  
舐犢愈愛說升沈作豐悴今古無成說家居鼓吹具藉  
以保晚節掀髯得一笑爲汝倒蕉葉袖手聽殘更紅鱗  
曠晴雪

再次韻作招隱篇

我家五畝園泉細地不渴載酒噬肯遊開門誰汝過典  
衣買花栽種十八九活繁華出荒穢天巧容人奪三徑  
紆曉步兩部厭晴暄長日岸幘嘯看人曳裾謁伸屈較  
倚伏烜赫藏戾孽蠻觸勝負間吾老飽所閱孰知花藥  
疇細炷沈檀屑此樂彼莫顧渠愛我已割微吟會心處  
山鳥亦欣說焉得喙三尺佳處爲君說龜蘭媚幽芳野  
竹挺高節當知陶一觴可敵簫八葉駢來作螟羸獨立  
耿玉雪



再次韻

雪應時可喜晴不遲尤  
可喜雪止恰除夜因作

人間十日雪已潤夸父渴宿雲忽披靡羲馭與抑遏春  
從九地回旋放牙甲活主張披拂是大塊司予奪椒栢  
追時序鼓吹聽曉聒詩壇有同盟辦作銜袖謁得雪晴  
更佳過是或爲孽羣山半披剝衆巧獻一閱懸知兵吏  
集不待鋪木屑令尹活人手小試牛刀割廣文甘僻左  
不肯事容說與俗分樂事盍以韻語說獨慙長鬚送不  
量好時節六一謂聖俞曰山婦云好時好節  
送詩攪人家不知吾輩所樂在此要須百篇  
富趵此梅未葉正使領兕觥快作湯沃雪

再次韻

廣文欲出迂使車作詩挽留少俟燈夕  
後予作漁家傲舞隊欲燈夕小試云

傳聞使者心急士幾忍渴廣文馬已秣勢似不宜過長  
翁仕窮山離索幾苟活藉君忘幽獨長恐有力奪勸其  
少徐之無謂險膚聒吾儕冷如水雖坐慵造謁渠儂夏  
畦譏火馳自生孽山城登火夜而况已再閱佳人參辟  
辰俗子眼中屑一笑待休沐官事罷剗割期喪近絲竹  
憂患偷愉說古人昔中年吾請用此說爲君枝病軀偕  
我酬令節捐金裝玉梅艤楫命桃葉舊曲迄末試把盃  
看鬪雪



贈章宰

章二月二十八日偕客燕湯池雨不可往勸其飲于家送九室井白酒佐樽因贈以古詩十七日偕予勸農房山是日亦大風雨殊阻登眺興事不如人意往往如此詩之作道此也

湯池瀦巉巖房祠踞穹隆向來偕君西寒雨斜驚風虛  
簷吞山川恍若囚樊籠往來三十里兀兀婦車中勁方  
學縮鼈眼不到飛鴻迄今簿領前老面潮羞紅昨夕縣  
麻勢子亦胡能東如子亨衢人不應分我窮山靈兩介  
士不屑陵原通我革吏塵流振觸肯見容高興未渠盡  
佳節寧易逢調琴家治具竹堂小窗攏酬酢十客優庖

隸良易供登山與聽雨取醉政自同玉友陪從事共達  
吾溪衷逮今彊健時數近玻瓈鍾丹杏正媚嫵柳枝頗  
昌丰古今共陳迹春事尚忽忽此歡不可失此言儻見  
從對花但忍渴請看衰病翁

再次韻

予與章宰前後爲于野之行皆以雨止因作古風道之初一日寒食遽晴來日排日溪邊領客爲土已燕是日宰和章見貺復次韻道喜歡意

谷巖蟄石燕帝闕鎖豐隆入懷疑有無愜此靡微風晴  
空寄望眼已快鶴出籠向來陰雨餘缺然賢聖中庭竹  
忽乾鵲雲衢亦輕鴻新詩照老眼姱媿欺羣紅飛僊欵



幽寂珩璜韻下東稠疊挹勝槩孰謂吾天窮花神憐客  
心密密靈犀通冗官况暇豫令節聊從容少徐泛觴醉  
或有解佩逢傾城試新粧戶戶虛簾櫳未用椽筆飛坐  
詫十吏供樂事易陳迹此歎今古同當時序蘭亭一一  
言由衷嘉會青帝惜芳情吾輩鍾繁香與麗人相映媚  
以丰瀝酒勸義馭西去忍匆匆遲募冀如願百違今一  
從瀾翻笑譚口幾成咕嚕翁

呈交代

雨中至蘭若交代置酒  
雨尋止來早安行而北

雨行不轉首豈卽真良圖二年望鄉國得歸不暇徐徒

隸悉此意頗作竭蹶趨衝泥傍險地亦復歌載塗史君  
卓旌旆小燕留僧居一盃酌龍公庶或輔相予捧觴未  
一再霽色明桑榆安寢俟清曉辨裝無滯濡有禱必其  
應顯幽無乃拘夸詡諱天幸此理良自誣

至喜鋪

外朝走馬息險絕欲無路駟駿感萬蹄勢若敵場赴崩  
騰臨空曠踠足此小駐蕭然一驛傍爲此數家聚川城  
南山下邑屋隨指顧行人不勝喜息駕始此處蹉然愀  
然意南北分來去我解房州印初試歷險步胡爲亦自



得不作罷爾慮鄉心建瓴水歸夢受風絮殘年歸來引  
他日遂初賦是役固已勞端復酬夙素臨風搔白首一  
笑飭徒御

報恩方丈小憇二首

還家自欣然小耐孛輩累老禪遽辟席倦客容卽次仍  
將寒碧供爲澣羈寓意斷續饑龍吟煜燿金鎖碎  
石鼎無幾然團蒲有餘藉山嵐變寒涼更挾清露下月  
榦澹疎樺風枝語良夜爲君賦招隱自剔篝燈爓

十詩謝廖計使

以後山詩何以報嘉  
惠江湖永相忘爲韻

二年仕窮山書外睡作魔吹律忝爲苗賴公有孰何懸  
知登門初大宅浮陽和泛愛公自爾小子何足多  
平生書成癡初不冀料理頽齡迫肺病課此未云已屠  
龍詫流俗祿邀欲何以閉目耐昏花三歎仍啓齒  
繡衣蓋代公學力闖天造千篇發幽祕萬物困陵鰲攬  
收盡隨和吾富無乃暴小試推敲手聊效桃李報  
偃佺地上仙笙鶴不我遐楚騷欲命僕古詩無名家晉  
當澤帝範小却侈國華本末計中外倚須拜亨嘉  
我生守荒學意造無根蒂時時寫所蘊致遠終恐泥小



勞斲鼻巧霜風掃氛翳一言可終身萬金寧良惠  
深井無淺汲洪鍾須妙撞揆公取士心海若吞湖江泓  
涵老昌黎客或隴頭瀧可待函丈扣此心久已降  
古今國士遇揆我不盡無頑鍾未容器巧匠徒為模卽  
今鷄書上逮此鶴髮餘但恐良夜夢翩翩只江湖  
陸子木已拱遺文空雋永鄭子為米仕縣廨縻簿領聽  
公譚舊社文陳鶩鶴整離索我若斯胡術謝榛梗  
欲畱苦滯淫欲去復彷徨既漳仍登龍兩心正交相粲  
粲金玉人納納錦繡腸安得雲隨龍意行卽公傍

貧女信難昏俗子每易忘文學公世師一見遽倒囊願  
公出調爨容我濯滄浪台躔五雲處浩歌長相望

涑口守風

辨舟畱襄陽辟風泊涑口得行秋甲辰初到夏癸酉跋  
鼃已自慣束髮至衰朽坐是冥得喪况復多病後絕憐  
操舟兒不措脫穎手顧瞻峴山亭覲固可拳取微風吹  
薄暮霽景掛高柳涼月欲略箕陰氛尚侵斗明朝起拖  
計未敢決可否身已不藉在心自無何有一事萌一意  
但見掣君肘擁書坐蓬窻醉我不以酒



買薤

平日屠門嚼因病不敢縱園翁富薤畦尚可羞此供長  
白連嫩葉雅稱鹽醢共暖鬲號多益斷下仍百中醫經  
備收錄詩老屢吟諷韭齋葵作菹未覺取世重鷄壅謝  
稱帝杞菊第賓從佐我炊玉飽食指免輕動歸計三徑  
成少辦百本種指日筋骨強報汝當抱瓮

渡楊子

王其姓者助扶掖安  
然已濟喜而有作

濤江吞天去委此舟一葉前之恃勇往微命幾顛踰弱  
纜維復解宿浪俄妥帖北風不滿帆晴空欲凌躡淮人  
鄉情重相爲細扶楫浮玉瞥眼過笑譚得利涉窮塗有  
快意十北收一捷龍公不常喜未用輕吾怯

赤口灘

漢江多惡灘赤口乃其最前年將家上正值江流殺奔  
衝震溝畝狼石森戟鏃鼉屨取進寸一跌尋丈退聞此  
尚痛定躬履况兒輩今者劈箭去未覺有湍匯一雨動  
三日遠岸卷澎湃向者險巖地了不經眼界三老笑相  
語無復憂滯礙路可屈指計歸將平心待窮塗偶快意  
此惠莫謀大龍公本何心賤子多感慨



鴈汭東守風四首

枉渚八日留池口百里近東風翻白波寸步不容進如  
許天吳怒頗訝地軸震崩騰雪山飛膽掉老眼暈豈惟  
佐豪吟更覺蘇宿疾還家可指日去意復小靳遺體泰  
山重曹敢諉忠信流坎隨所遇遲速吾不問  
蓬窻隔世塵但有書滿床度日無與虞日課一指彊坐  
免鶩鴈聒自詫肝肺香奔驥踠足意翛然吾自忘賢否  
岐非是狗已乃所望温故饜新得但覺此味長晚來砲  
車雲翻空更漂揚吾書未渠盡更借燈燭光

驚麋碭洪浸何人矢麗龜遂令老病叟珍毳及晚炊野  
鹿敢伯仲江鱖讓甘肥淮人篤鄉義賤乞等韭葵向來  
無人境沙漫水無涯市聲不到耳芟葦相因依今無暴  
客虞解衣候朝曦厚味真過矣安食如含飴

東趣長風沙移拖取空隙波頭蟄飛雪幸矣不數刻連  
延百家聚俯瞰白沙磧賣餅售鰕菜傍舷忽絡繹矧聞  
淮南音眼中便鄉國田翁顏甚温村酒醞堪喫突兀戎  
官廨戶柱相映赤頗喜霜夜眠更鼓聽歷歷

泊戎廨前  
無盜賊憂

題解禹玉文卷後



平生解公子器質美無度長加進學鞭猶後趣時步克  
腸笠澤書脫手彈丸句儕輩無爭衡儒先有延譽豈應  
如老夫嘖嘖聲不遇表表蠹齋翁容易九原去石交不  
在眼賴子尉遲暮新文爛錦繡夫我何足赴凜凜傳遠  
計堂堂濟世具葆愛今其時自視要嬰孺白璧不受塵  
素絲易成汙毋爲樗木散寧作鐵硯鑄良晨有逢年逸  
足看取路吾言信惡石敢謂愛莫助

贈廣教主人

留子飯爲脰脉决疑約翌日再同  
拉客客不能往而止作詩論之

七年走薄官重放湖上步偕客憇鷺峯訪僧得龍樹瘦

骨書作祟餘年藥爲助君技信精微我疾判疑誤多謝  
辦再往一飽許復具意偶俗物敗行非山靈沮定貽高  
人笑竟墮塵事汗似開今參寥近在西林住擬掇茗果  
供飽玩玉雪句勝踐後五日盟兼論溫鷺

次前韻

風雨破十九可得閑餘步回舫連千百排按隄側樹湖  
山墮空濛於客信非助前朝冒雨還正爲初日誤今者  
乘興往不暇家治具賞心有新愜行計無舊沮香塵紛  
羅綺隱服耐此污鶯花姝未厭烏兔渠小住愛日擬乘



江湖長翁文集卷之五  
燭把酒先得句上馬一回首前灘下白鷺

清明西湖再次韻

蘇公舊隄東增築更千步右爲縈回溪夾以葱青樹晴  
湖映碧山詩客獨多助醉鄉赴新約書癡悔前誤况此  
好清明酒果隨意具向來計追歡幾爲陰雨沮今者成  
清遊仍免俗子汚斜陽不無情似戀花柳住春光念報  
答裝牋須好句此筆付此人遊客半鴛鴦

暇日朝上  
多在湖上

江湖長翁文集卷之五終

江湖長翁文集卷之六

五言古詩

四言附

旅館三適

予以病愈不食麪此所嗜也以米粟代之日宜燒猪客有惠清白堂酒者同時饗作三詩識之

厥初木禾種移殖雲水鄉粉之且縷之一縷百尺疆勻  
細蜜吐緒潔潤鶯截肪吳儂方法殊楚產可倚墻嗟此  
玉食品納我蔬蕨腸七筋動輒空滑膩仍甘芳豈惟僕  
餐餌政復奴枕椰卽今弗洎感頗思奉君王

雋永項上臙紅嫩劣帶骨彼美大欄君坐受羣毛朝鼎



江浦長翁文集卷之六  
清走真味正籍松炬燒芼我銀絲窩葱豉巧和調董塗  
非所宜淑郁如蘭椒腹腴但下隸羶根合藤條併填長  
翁腹未覺喉牙搖但訝大嚼餘無補詩腸枵  
佳齊肯見分春意偕客至誰將清白名言代碧香謚起  
淪饒磁甌玩吮色香味醜醜馥牙頰沆瀣沃肺胃桑落  
古宜城不足偕品第我病久不飲此日欲小醉快哉羈  
寓中乃遣拜嘉惠一盃先晨飯歛作凌雲意米札薦燒  
豬佳此三者備飽足仍酣醺眇睨人間世

官務

磨陬爲官多曉了未更歷今世從仕者萬口用一律文  
按日從事鴈鷺竊投隙自謀脫悔吝初肯計易劇追逮  
有踵接符牒動山積豈念南畝民晷刻校日力停犁聽  
上命質衣供旅食誰定老我師黠民幾鬼或締彼刀筆  
吏表裏肆狙慝奈何食肉人立說與推激此論儻不破  
此弊終未息揆予閱世熟敢此論在職

犇牛堰

挽舟下犇牛挽丁已疲極長術此埭東術心齒砂礫千  
指取寸進鬪巔山可拆舟子提肺肝舟材寧鐵石卽今



揚塵處劣計三百尺時賢或與懷僅費十夫力往來日  
幾舟孰者違此厄爲人計安便作吏戒徒食斯人仍斯  
患胡必須目擊猶爲隸兵地吾言竟何益

呂城堰

堰西綠泱泱堰東已膠盃呂城校犇牛客舟更遲回嗟  
我爲貧仕此路幾往來厲翁市冠師與我熟追陪渠貧  
安無求我困坐不才三別二十年鬢髮各摧頽擬廢北  
山杞倏咲南柯槐惟翁未厭客望影笑口開生得數會  
面升沈何有哉相約飽飯過世事付飛埃

命書

命書唐濫觴委源傳呂後有倡莫爲遏波蕩今不救字  
育叵數計八字詎所囿甲子動矻億舉一百萬漏荒唐  
無稽据誦言指休咎柰何聰達人頗復安此謬懷刺曳  
長裾偃蹇文士右夸詡走干謁薦墨不待叩士有待濡  
沫百請不一售我昔遊江淮知識間新舊文士不到眼  
此輩日交遊離羣輕盃水羨彼行橐富鯁鯁問利祿吾  
儒所深陋自笑與世違迂論取排詬

正學



政術自學術君子惡其欺道學不容僞世以僞用之向  
來濂溪翁粹然時所師光風與霽月取重前輩詞兩程  
從之遊流變已受疑應世頗拘謗自立如矜持何人傳  
其粗矯訐取世資口中誠敬語倚袂挹惠夷其行則市  
井跖屨差所爲危坐消長默覆此庸蚩蚩經正盛時事  
怪女尚抵巇秉畀幸一旦嘉穀去稗稊正士鴛鴻集古  
學星日垂江湖隱淪客有見真管窺爾輩受排根似亦  
無孑遺得無奇英士失脚遂磷緇用過賢用功取璧忘  
小疵願引技拭手免興失時悲願分斗升祿少救併日  
飢闕以周孔塗正以孟韓規嵬瑣審辟就請張慙昨非  
六通而四達恢若隆古時治道貴去甚世變須防微吾  
言或可錄敢用告採詩

財昏

師昏古所辭財昏今不耻傳祀合二姓古者貴由禮四  
德五可外貨賄亦末爾民風日就頽捨此爭校彼媒氏  
未到眼娉資問有幾傾篋指金錢交券舉租米東家女  
未笄儀矩無可紀已聞歸有日資送耀鄰里西家女三  
十閉戶事麻桌四壁漏風霜行媒無留趾坐貧失行期



江浦長翁文集 卷之六  
四  
趣富曹貪鄙流弊例不免其源實此起多約或少酬斬  
譽甘長毀坐令親舊歡詭譎變狐鬼何況性習間貧富  
岐滅否土俗未易挽人情大不媿悠悠何足道吾以諗  
君子

### 聽政

爲政貴中和偏徇古無取無心斯善應奸譽乃其蠹柰  
何聞見間往往用心誤扶弱抑其彊古或垂此譽世異  
俗且殊處今猶徇故曲直本不昧彊弱豈所據君子不  
此恤情僞潤丹素富室被剥腴日有貧窶慮士夫受加  
陵悔不齒編戶羸弊取必勝玉色吞氣去不知世富室  
如母子所怙不知意定向未語機已露傳繼用一律抱  
冤莫赴愬用是致和氣南首問燕路

### 錢弊

爲家重墻垣爲民須貨殖楊廬國百戶東南賴控扼淮  
民魚米餘百貨仰殊域用銅防外泄用鐵乃奇畫一利  
伏一弊救弊要得策持貨貿官券捨此莫衣食錢貨天  
下用鐵乃限南北坐令兩淮民塊處斷貿易計鐵取券  
直十纔收六七朝賢愛淮民此困盍矜恤銅鐵均國寶



通變豈無術近甸視遠地未可岐畛域况今苦倒垂倚  
待振焚溺緣江入郡爾雜用顧何失官券朝北來淮俗  
暮安宅卽今私鑄斷胡尚膠今昔吾貧復淮人計勢不  
容默

次韻林郎中相送北歸

銖兩作低昂舉世皆此心羨君松柏操不受霜雪侵向  
來車笠誓歲寒迄能尋軌躅吾何取振拔意彌深天才  
有賢否宦路岐昇沈昂貴聽新渥疊來當好音我草賀  
緘處碧溪映青林祝公小婆娑未宜輕分陰

次韻楊宰

淮俗日就薄識者頗借憂天變不徒然早曠將誰尤日  
來聞見同比屋聲悲愀令君不鄙夷疋馬走道周似聞  
隣隴間蟄蟄霰雨稠課巧撲燎餘準粟秉庾收一斃迺  
百孳阜墜肥螟蝨服勞豈容已善後良未謀卽君論才  
謂爲邦似求由佩蘭扈玄離所向多暗投世賢劉係宗  
芥視東家豈方將解倒垂未遑賦歸休橫前觴深淵君  
其萬斛舟願天開老眼一雨洗歎愁旄倪飫菽粟羈罷  
安田疇探丸等和扁沈疴灑然瘳我亦民之一擔石略



江湖長翁文集卷之六  
不畱遭罹本自致未敢忘反求詩來念賢勞效顰聊殺  
羞孰視援溺手不計輸幾籌

送羊侯因簡崔帥一首

遊宦何許佳解印還故鄉舊國仍舊都別去未始忘一  
旦吾眼中怡然得徜徉釣處它日梁樹是兒時桑扶攜  
擁道周老倪皆壺漿官簿有高下此樂均未央羊侯萬  
金將文武擅兩長稜威肅貔虎談兵厲冰霜小作漳濱  
臥斗飯方健強胡爲倚秋風歸思歌慨慷似聞山陽郊  
迂者立堵墻湖蟹九月肥社酒千室香海舶來麋麋繩

戶送鱗魴舉白作鯨吸羅幙回春陽樂事有如此風志  
今始償我袖如椽筆落紙煙雲翔自今小畫錦爲君記  
新堂

題陳守宰仁和無倦堂二首

仲尼治道師今古誰造閩公與由也果有得非二本爲  
政貴無倦聖語要自反吾宗宰仁和條教仰旣建吟對  
千挺竹日課五升飯膠擾付冰解隱幽莫形遜器資銅  
百鍊心地蘭九畹人絕懸魚續自詭割鷄偃秉心寧作  
輟提耳悟頑諛豈伊不可耐据以爲益損譬如歲豐凶



良農守穰裝功名自民庸君子計歲晚

陳侯昔為邑鼓舞輦轂民爾來佐淮郡喜詫有脚春例  
滿溪志望正繫不已純帖焉受馴擾初豈煩令申撫臨  
不云倦依然舊持循終始兼厚德邇遐沐深仁報政已  
捐日設施方日新羣蠹繼革熄千棟成逡巡向來簡齋  
僊九德罄忱恂長源無涸流盍嘗究所因一印妙心傳  
千載挹聖真此學不勝用企公嗣前塵

次韻楊宰

畱別業偶雪欲作詩未暇因詩見及次韻

有薪尚濕惡有穀未春簸病客正牢落急雪忽蜚墮枵

腹亟問炊曲身可欠火簷隙納璀璨座隅紛碎瓊續漂  
纒一瞬彌滿已四野慨念菜茹農負愧吾顏赭人同忍  
朝飢神亦輟秋社吾村劣收穫猶幸了眼下磬磬聞見  
間久已絕貸假何人發陳紅倚待由也果

次韻楊宰對雪有感

生世波上舟高下隨掀歟樓閣或藩溷風花聽飛墮榮  
利計圭黍光陰付膏火胡不養弘大而顧蹈嵬瑣君看  
前宵雪積玉曉覆野朝陽麗山川湛碧仍眩赭簿書辦  
官事酒肴趨村社長翁取意適吾策未云下優服作貴



江州長翁文集卷之六  
賤觀傍了真假平生招隱詩尋盟逮今果

贈張德恭

張作詩日進有句見推次韻謝之

少日試推敲未脫蜂鶴病世間十全手噬肯愛三請即  
今悔少作草草生氣盛逢人忍脩縮拜手博是正往往  
掉其臂百叩不一應鼻鼻仰前脩萎憊不能勁從君父  
子遊似頗識蹊徑史君唾隋珠枚叟每後乘郎君撞煙  
樓楚珩復相映兩豪五字律萬象一清鏡賸馥副羣趨  
餘風振不競郵城望迎鑾未敢憚奔命向來從渠後無  
乃瑩吾聽回省多岐下滿冀一語訂此篇尤愛我見推

乃見警政使元白前向君亦脩敬

次韻張守阻冰

予訪史君子真州  
沿塗亦膠舟故云

清篇方鼎來強韻不可柰膽掉久未定如守上瀧拖渾  
厚出綺麗平談含頓挫正始歎不嗣黃初君突過想當  
舟陷泥勢若右旋磨河神要好句待君顏一破我行阻  
重填倍費客炊火邗溝塵欲揚人步溝尾汊一雨濯旱  
枯此惠誰所假生世天不人孰者可弔賀

遊北山

張守送酒次敬  
字韻作詩謝之

有客可與遊闕酒得無病豈意四從事過我不待請洗



杓挹風度免慙林花盛公學此味如渾厚兼醇正公量  
虛谷如有來良善應肯分兵厨瀝少佐筆力勁罷營杖  
頭錢徐取松間徑登臨舊能賦七發踵枚乘此與老未  
衰西日尚餘映風怒雷再鼓雲破天一鏡山花下野鳥  
詩題一堪命府公文章伯聲稱聳羣聽明朝倒錦囊非  
是庶所訂豈伊綵鳳鳴而聆露鶴警定知謝東山凡百  
易子敬

再次韻

春月驟寒  
既晴小出

當臘可折絃羣植不告病春令宜畫一驟寒乃奇請淙

潺急雨後摧拉北風盛倚戶頸爲縮引望立不正下窻  
斷過逢袖手謝酬應坐歎花信遲陟怯弓力勁今朝晴  
色好呼童掃幽徑客子踏青約久許陪驂乘逶迤望北  
山巷柳俄蔭映乾鵲語紅樹遊儵驗明鏡平時詩酒社  
賈勇與春競卽今鶯花前欺客頗方命擊轅歌于薦寧  
入俚耳聽喧靜交戰間詩老儻能訂寓物不流物古語  
方自警追隨黃白郎不擬繆爲敬

吳節推趙楊子曹器遠趙子野攜具用韻謝之

平日從俊遊寂寂坐多病犯床漫飛埃瑤笙罷重請床



置樂器床謂宮調相  
犯脩樂器惟笙曰請

燕支樓亦詫端正新交間舊友氣合宮羽應譚塵冰霜  
厲筆陣鸞鶴勁吏隱分樂地與世不好徑拔貧辦一歡  
挾貴輕百乘四豪載酒過講德珠璧映歌奏雲近人舞  
罷鸞顧鏡醺醉忘主賓笑語似紛競朱樓識阿眇白酒  
醉師命明朝耐殘醒江聲醒幽聽此樂謫仙後同異君  
試訂四豪成風手可但隻字警我投詩社名拜手敢貌  
敬

再次敬字韻

張守召飯臥疾不赴  
主簿送和章再作

陰風摧行車歛作三日病史君敬愛客重此折簡請碧  
香駢柔嘉虛辱禮意盛老衰已不支節候况失正寒事  
動奸時暖氣久未應積雨遷厥怒密雪佐其勁新詩挽  
春色墮我桃李徑飄蕭尋芳興亟問果下乘把君珠兩  
兩後照仍前映重燒見火浣百鍊乃寶鏡折筆敵可答  
歌風楚不競讀檄且觀濤壽我無有命舊聞句通神瘡  
鬼褫魄聽援君起廢手直用古賢訂笑送夢中豎子行  
良機警亦笑齊東翁口舌邀客敬

再次韻張簿



生世詩作癖頗坐艱局病當前成風手每來難塞請後  
身習鑿齒名儷乃公盛新詩再出奇後出尤雅正高吟  
步芳園靈籟想隨應荆戶壓盧羅陳勢無前勁錡隱度  
九軌眇睨秋蛇徑狐兔新竄伏顧前王公乘我學但宋  
朴多慙楚珩映才與年貌衰不擬拂晨鏡妙句駢魁傑  
曩見絕夸競居然大小巫渠容耻受命日窺曹劉墻日  
有韶護聽古今尚論間未遽優劣訂此意客未知太簡  
效規警平生孔文舉敢替此心敬

分韻得家字

以人家寒食月花  
影午時天爲韻

東園郡勝處不作里所遐池臺掇天巧草木專年華一  
雨洗清曉十頃圍紅霞云何秉燭客未駕載酒車掾郎  
郡之望士價詩名家折簡挽名勝行庖富柔嘉清風應  
靈籟高譚振衝牙酬酢角鯨吸賡和紛天葩痛飲未渠  
醉浩興渺無涯孰知此老憊坐受強敵加空拳將一旅  
堅陣凌五花

時分韻同  
某六客

詩成字欵倒病眼正麻嗒

遊乾明分韻得山字

竹風清如水浣我塵埃顏老禪貧無錐小破蔬筍慳短  
轅下鳴夷共此半日閑住筆訊鶯燕把盃屬江山老夫



病止飲苦語澁莫刪揆予郊島寒着君季孟間江柳未  
遽折園花且同攀後夜短亭夢漫寄東風還

小飲頰江樓分韻得俯字

流光肯貸人春事遽如許眼不到蜚鴻身每念縛虎他  
日載酒約坐受陰寒阻非君韻超俗疇肯顧羈旅今朝  
鶯花前有興浩莫禦茲樓可圖画山立瞰江滸壯侔彭  
城蘇氣吞潯陽庾乘凌脫埃壘盤筵上煙雨向來狀雄  
觀尚欠魁傑語江山君周旋得句忍不吐詩成人未醉  
鄰鷄喚亭午新音略韶護至樂非簫鼓却話庾與蘇今

古一仰頰

招朱法曹趙宰趙予野飲

以寒食數日得小住爲佳耳爲韻分得食得二字

秦郵望儀真相與不三驛仕學四十年此地幾旅食寓  
公芹泮士十九盡親識茲遊最奇偉詩壇許投迹每當  
觴詠間不蓋慙頰赤赤手桃虓虎空拳抗雄戟四眇號  
猿手未敢箭鋒直排日有勝踐尚恐坐岑寂纔卷頰江  
帳復蠟東園屐小奚費收攜巨橐珍的歷摩莎歸裝富  
足容傲侯伯

自公置簿領來作一笑適表表三英粲各各萬夫特揆



予自僑寓人詫有此客風煙入揮毫江上皆動色尚友  
古所貪解后歸來得今朝鄉思動招邀話睽隔非復向  
軒豁但有新淒惻吟詩尚爾工把酒不能喫縣知短長  
亭小蓬雲月白還應遽遽夢蜚墮清江側

儀真諸公餞別

分韻得永字

旅懷我岑寂詩語君雋永新篇蜚墮前坐閱仙府景曉  
林媚紅酣春池涵淥靜叱吸風起籟模寫燈取影東園  
固成言此境亦深靚應世足變遷爲謀難要領酒車且  
新圖客棹非舊整明朝漚鷺前鴨綠渺千頃飛觴擊鉢  
地獨夜起重省還應蓬背雨閑滴寃夢冷

真州諸公語別

得盃字

屈指舊新雨何人顧蓬萊駢車各鳴夷良爲老夫來古  
今漆投膠不獨數陳雷袞袞尉勞意一盃復一盃索句  
不解工何以寫別懷敢惜吟髭折奈此雨意催此會良  
姱媿此行重徘徊得無葉舟重滿載離愁回

送趙夷仲南歸

離索老不堪應接意多選愛者挽不畱惡者推不去道  
人心如水胡復生愛惡方厭塵眯眼倏驚瓊爲樹趙侯



南州英中抱經世具碧巖紫電耀翠竹青鸞翥聯翩拜  
新作一一彈丸句傾蓋得此友霽月破愁霧交君良恨  
晚別我用許遽溽暑挾旱氣河底車取路在客身爲本  
食眠要將護燕子迺北風端許問尺素

立秋日

酷暑如酷吏頃刻不可對萬口噤不息東濕底多罪况  
我七十翁形劣氣已憊懣若墮丹書孰者我牘背微風  
忽鳴秋遽喜又無害天豈芻狗我生死置度外會看三  
日雨怛悼推所愛甘澤洽嘉穀生意亦蕭艾

寄嚴文炳

以寄聲未問安足音到空谷  
爲韻嚴寄書存問甚至云

故人千里遠論心未遐棄不謂江淮隔尺書鴈能寄春  
風生展掩滿尉別後意陳義凜冰霜不獨相思字

隻影秋鴻驚獨夜秋葉零離索歛五霜搔首聽此聲豈  
無金石友相避參辰星安得木作腸與世無復情

子雲草玄宅門徑積莓苔昨夢憑詩說新雨無客來袞  
袞手可炙自詫甘寒灰蜀莊寂寞者念我首獨回

烏豎兩馮君風霆藹休問自昔從之遊詩力借餘潤夫  
君凜一敵鴻筆上羣俊舊壇今尋盟得句毋我靳

兩馮君謂



真州  
父子

嚴子老於菟彪炳踞賢關可憐五車學僅博九品官客  
程望至喜江濶山叢攢勗懷造物心念子渠能安

善忘常憎醫獨者自尊足嚴子骯髒面如我不諧俗世

情趣操間憎愛岐珉玉饒舌誇我賢祇取白眼辱文炳每稱

賞或者子不  
然之來書云

聯鑣行樂地俛仰成古今可但捧觴人貫珠無復音繼

綵棋酒伴電泡半銷沈何時兩衰翁話舊同清斟

趙侯當賜環倔強耻媚竈張侯鳴琴手戍期幾時到何

郎偕賢書論價未足道多煩問何如好語君一報二君與文

炳同居吳子與之  
厚嘗有詩送之

石湖良樂眼收士冀北空嗟我孤所期經世老無庸一

莊賴芥庵報厚艾亦豐賓實得美謚表表無終窮來書及二

公故  
云

嚴子從我時脩竦時雙鵠章綬裹瘦軀此相胡宜肉當

嗣溧陽尉苦語叩哀玉寧當蘇門翁清嘯蒼幽谷

次韻楊宰檢早野宿予近亦頻至莊  
上人情備嘗也

早後訪親知悲風塵愁霧未辨飽翳桑况能嫁阿鷺令



君妙爲政果藝今求路道逢枵腹民挾纊誦言句保社  
知自愛敏穰可無慮飛騰要及時封殖須此樹來年步  
畏豐繪象各村墅時事君盡滿

題劉行父淨香軒

劉郎何所有寒碧二百本方渠懋進脩藉爾伴蕭散妙  
處鼻觀領翛然市聲遠朱墨五千卷日力自繾綣久聞  
伯仲間珠璧各擯韞一笑挹此君方外得稽阮飢鳳吟  
夜良斑犀散春晚慣嘗推枕聽肯作芼蕘挽長翁紀幽  
致一字粲褒袞諧傳渭川孫石屹益州筭行當洊驚雷  
龍躍闖天闔功名有咄嗟世道計舒卷平昔對床約里  
閨規息偃大屋俯嬋娟晝繡替前扁

次姜堯章贈詩卷中韻

徐郎巢已焚庭竹亦無在太倉五升米舉室枵腹待云  
何鮭菜供日與長翁對世有作金術閭里頗猜怪丘嫂  
剪髻餘舊質疊新債

詩傳侯王家翰墨到省寺姜郎粲然文羣蜚見孔翠論  
交辱見予盧馬果同異念君聚百指一飽仰臺饋我亦  
多病過忍口嚴酒戒終勝柳柳州吐水賦解崇



壯年志在行皇皇困無君老矣此念灰去住如閑雲詩  
壇二三子一見勝百聞徐郎吳下蒙絢麗工語言滔天  
自濫觴昔人求其源隱几有妙領未覺市聲喧

自甘謝祖風屑屑掃一室準擬高史來函丈置三席聲  
名絕輩行文字追古昔黃白馬上郎覲面不相挹  
眼青節食事日耐飢雷吼茲幸陪衆後酒卮甫到口不  
離寂寞濱徑造無何有問津歸有期尚許尋盟否

次韻林子長計使

林侯上州麾便飫大官飯左淮魚稻供顧肯回一眄待

人均待士樂易屏崖岸懸知訖民庸功倍而事半淮鄉  
舊樂土兼有齊俗緩頃來南北雜頗復煩城旦要須禁

效攘

淮鄉歸正人誘率江浙遊手剗佃良民之田計使約束甚嚴淮民安妥

立可息愁嘆

爲公泚銀筆攘袂歌粲晏

次林長子韻

招燕拂雲樓讀子長遊壯觀亭詩因賦

孤亭屹山椒山靈信多助比肯迂玉節來作數刻住江  
明山動色取重以公故未須坐譚客子弟自翹楚雲嵐  
遠明滅阡陌隨指顧何以驗人情楚飲雜吳舞我來空  
想像夢去上煙雨尚及拂雲飲醉狂煩杜舉新歡償昔



江海長翁文集卷之六  
遊幸會乃如許古人重一飯志士賦盛遇歸時混遊人  
健倒各扶路

再次韻酬林子長運使

繡衣如椽筆可但江山助登樓得秀句飛雲爲公住使  
君傾意氣按我便親故自忖庸都陋兩公富全楚賦雪  
容未至高軒先尤顧醉鄉信餘地肯作長沙舞和氣挽  
春回冰柱下簷雨是日晚晴簷溜有聲代舍着狗盜珠履賁豪舉  
阿遷詫齊魏瓊瓊吾未許我從兩公遊趣舍本神遇更  
當問學間司南取夷路

再次韻

拂雲宴之明日雪復作回思借趙帥賞雪于淮海樓樂甚茲遊足以繼之復賦一篇

雪神再出奇剪水誰飲助羣仙幻塵寰落勢未肯住政  
成氣乃和此瑞豈無故同雲方頌周惡氛已銷楚乾坤  
玉花中客子眩回顧人家占嘉平酒處應起舞了知及  
物功當倍蘇旱雨前雪淮海燕把酒欲輕舉今雪燕拂  
雲勝槩驚似許客途一笑適樂事詫晚遇回思何人家  
鷄黍羞季路

陳宣卿爲予作後彫圖

語宗灑画墨似我詩得趣未至心手忘敢議江山助東



江漢長翁文集卷之六  
絹十幅圍中有千尺樹窮冬萬蟲蟄拆地雙虬怒彷彿  
風雨聲想像棟梁具人間汗反漿對此毛髮豎怪君物  
寫影落筆神與遇自言閱世孰妙解等僧悟每當整薄  
餘了知精靈聚此圖尤傑出持用博新句墨君第一流  
論世無殆庶三熏且十襲復斬爲子賦

四言古詩

次趙判宗送李象山韻

邑政易墮我方在行挽袖輓車交遊至情兩君玉峙表  
表國士下榻傾倒有賢公子我介三子匪同而和提衡

掖挽交口孰何月堂之評采久未改匿瑕振過茲焉有  
待卜夜之飲輟驪駒章願雖情鍾河魚未康作吏則疎  
羨人報政彼益者友工藥我病低昂達窮冥心所遭獨  
喜故人往偕仙曹搖搖脩程炯炯初度眷言顧之矯首  
雲路胡不小畱共頽醉山胡不更僕共譚孔顏西睇歸  
颿徙倚淒切去畱之間仙凡斯別

再次韻

判宗畱飲以冗故不  
及終席作詩謝之

載羽其觴客遄于行歸從我私茲焉用情一奇舉秀萬  
金論士生世已後識古君子宮倡羽隨至樂則和俚音



江尚民翁文集卷之六  
問之人謂斯何潔不容緇薰不猶改言受此柄劣副期  
待斯道在公九報其章人後時施躋之阜康曾是偉人  
而未聞政袖司命手旁睨世病海瀕埤汚蒼山周遭觴  
詠翱翔樂殊爾曹盍攄胸奇煥我王度盍提公言闢我  
賢路赫日中天麗彼南山賡歌交修不覲其顏有鈞者  
刀用或一切雲龍從之無重此別

次程帥勸農和陶詩韻

房民種藝簡率水旱豐歉  
一委之天人力不至且不知  
知用水車土皆桑柘地而蠶事尤莽鹵  
因帥勸農和陶詩次韻呈帥且示其民  
之不甚  
愚情者

我官于房庸諗房民是腹枵然惟貯一真服事告工以  
成以因雄也言之參天以人燥之潤之是有黍稷天不  
竟刈物豈自植繫人之力溫飽稼穡惟蠶而衣如稼而  
食盍槌于家盍桑于陸飼眠後先如族昭穆爰練爰織  
如寇之逐悠悠玩日迄莫歸宿孰漑不車曾不計久孰  
視槁乾徒用播耜吳豐楚約誰非朕畝穗斯爾斯均措  
厥手彼多其儲汝則易匱做勞計工寧終不冀蹠躓十  
駕與驥一至枵中赤立吾代爾愧吏職民憂無庸汝鄙  
農以濟學繫吾素履豈曰多言率遵前軌教詔順從庶



或兼美

程帥和陶二詩見憶次韻

我瞻西郊雲停不雨鷄栖亂山十舍千阻一書緘春尉  
厲存撫望之或違搔首企佇停雲醜之蜚雨濛濛啓筒  
有獲如渴吸江孤月河漢輕颺牖牕憶侍誨色杖屨後  
從盱衡推予袞袞儼榮糜懷不傾靡言不情會晤良難  
歛然西征孰謂愁斛無自而生竹萌觸雪粟花綴柯風  
日山城未春已和命駕取塗計日不多官曹簡書公其  
謂何

卷之六終

江湖長翁文集卷之七

七言古詩

明妃曲

漢宮第一人只合侍天子四絃春風手川川入胡耳天  
生國艷或爲累金賂画工寧不耻玉顏初作萬里行朔  
風驚面邊塵昏路人私語淚棲睫况妾去國懷君恩穹  
廬漸耐胡天冷政復難忘心耿耿夜深拜月望長安顧  
歎當時未央影胡雛酌酒單于舞銘肺千年朝漢主傳  
聞上谷與蕭關自頃耕桑皆樂土向來屯餉仍繒絮廟



江湖南長卷文集卷之七  
筭年年關聖慮但令黃屋不宵衣埋骨龍荒妾其所

柘臯短吟

鐵山橫飛截平野寧復江流飲胡馬大酋膽落狐鼠逃  
虎頭將軍自天下拂廬連絡屯長雲提戈敢謂秦無人  
驚霆白晝振解葉淮地一掃雷無塵歌謠千載淮民口  
將軍歸飲策勲酒烏袍使者來如煙騰書乞和胡稽首  
蠅鳴鴟噪初不聞賈怒一舉雌雄分辛勤結髮七十戰  
數奇堪笑李將軍

題趙伯政醫俗軒

風淫氣格初不意往往腠脉流腸胃金匱一編亘古今  
幾人用之能起癆痛恙切身知謁醫俗氣痼人渠不知  
持籌側肩蠹日力錦鞬金彈隨癡兒斯人斯疾可攻否  
更恐良醫望之走南窻解榻竹風清請訪軒中十全手

急筆贈歐處士

酒所歐索去甚急作此送之歐善画山水

南州江山昔所歷雨峰黯靉晴江碧幾年思之忽墮前  
政得歐生醉時筆斯人歷覽山川奇得與落筆天露機  
不須十日五日一水石已可王宰相攀追相逢便整南  
歸拖短章許君慵未果酒邊搜句敢言工不解似君槃



江尚長翁文集卷之七  
磅羸

記夢示師是

青燈寒夜思吾鄉合眼便坐吾家堂阿丁炯然目如水  
綵服翩僊趨我傍中心喜之謬督過還爲遨嬉廢書課  
指似斜日西窻紅小賦未破書未供向渠不敢恩勝義  
亦憐忸縮不自容蝶蜚鹿失忽驚寤撼撼霜風在庭樹  
幾時筆力跨乃父與汝相忘不關慮

題胡處士猿麀圖

画工神品今代無祁岳一脉傳醉胡幾年傲睨不落筆  
乘輿掃出赤縣圖今君所寶亦第一我疑神遇非有筆  
青林紅葉晚未暝遙山遠水秋一色五猿踞石相因依  
兩猿掛樹松枝底仰睇側顧麀善疑其二行齧如不知  
昔人画馬師廐馬画山直付居山者野猿不馴麀易驚  
邈影渠能寫間暇草露空荒遠刀機卽今放麀誰氏子  
山蜂負毒不足憐盍貸蠪蛸畱報喜

百花樓

樓中香漂百和濃樓下錦纈翻東風玉樽美酒清若空  
吳姬粧面相映紅人生一笑不易得是間一醉千金直



元龍百尺君勿論芳時且可金杯側

題劉明府所藏秋江欲雨圖

明府侍兒善歌舞欲出不果

墨雲含雨江空濛島嶼細瑣連煙空我家茆屋菰葦叢  
卷葦背笠隨漁翁展掩倍覺心神融緬想慘澹經營中  
王孫玉面食肉相萬里山川入遐想當時官禁斷過逢  
可得如儂逞江望江天漠漠那容画渺莽風煙生筆下  
鳧鴻滅沒波不搖霧野霜林共蕭灑乃知絕藝神與通  
盤薄傲睨窺化工市師日日江湖上幾人擅價能無窮  
君家雙蓮冰玉質此畫與人俱第一固應緘鐫付牢收  
俗眼紛紛莫輕出

送項平甫教授之成都

昔人石穴命西蜀豈知桃源華胥隱石腹詩人昔吟蜀  
道難何曾錦城風物平時看平時風物今猶故井絡坤  
維神所護漢官威儀二百年斬新不受胡塵污蜀民日  
爲藥市遊家說追歡不說愁蜀人之文落中州中州僉  
父縮頸羞吾徒向來夢遊處今日登僊送君去鰲頭上  
客人所敬翰林先生士知慕似聞儒冠不容假近士之濫吹者  
去其挽致鄒魯無難者况君筆力西漢前亟遣人才有



楊馬錦城之樂樂未涯綠鬢朱顏君更佳要奉板輿追

勝日暮萬里橋朝浣花古今勝槩爭入眼歸軒日日詩

囊滿黃鵠東飛定有書莫靳珠璣祇推懶平甫能詩每言詩不工故

懶作然人知其謙云

題欽廟主器時所作登瀛圖

唐家大府開天策祖廟工歌登七德偽王連組紕頸歸

山東羞死虬鬚客文儒濟濟陪英遊海內共指登瀛洲

未妨濫吹一延族中有謀斷臯伊流崇寧聖人撫洪業

黃頭遺種初芽蘖青宮進講多暇日睿情遠覽思才傑

水墨落紙分毫釐心融筆忘天運機鸞翔鵠峙儼在目

更用褚亮摘辭為天翻地覆人得知神京北風吹阜旗

空令便橋乞盟未央酒盛事拂膺正觀時天家所寶君

家得拜手披圖悼今昔鼎湖龍去餘弓劍上林鴈來斷

消息莫年筆力猶枝梧慣題七騎陰山圖為君斲句偕

画往貸我老淚淋衣裾

布穀吟

人以布穀為催耕其聲曰脫了潑袴淮農傳其言云郭嫂打婆浙人解云一百八箇鳥何與人事人以意測之是非皆不同為作此

潑袴不容脫鳥語徒慙動輸租質農器有袴那解新官



中催科吏如虎告時趣耕爾能許卽今春種未入田安  
 得縣胥知愧汝卑棲俛啄良易謀聒聒彊任田家憂啼  
 時未旦夜不休班班血痕銜口頭人將近似測禽語汝  
 意真解憂農不或傳悍妻天所怒姑不可撾渠不顧罰  
 爲此鳥聲曩愆警世母爲郭家婦南方諛佛古到今人  
 持數珠家梵音區區說似一百八譏訶勸相知何心浙  
 風淮俗隔江水意解禽言乃如此蘇黃妙句誰嗣之兩  
 地流傳併須紀世間儒墨紛相攻巨細彼此臧穀同爭  
 如痛飲臥長晝付渠馬耳射東風

薄薄酒

罪叔茲通判寓吳門無數日不觴客取足  
 而已不求甚豐嘗見招酒所小鬟誦薄薄  
 酒侑樽有感予  
 心擬作此詩

薄薄酒顏可丹麤麤布身不寒醜醜婦貧相歡人生浪  
 悲行路難欲不外驚心內安富貴底用極力奸政自沐  
 猴求棘端君不見寒儒骯髒默自守橫前書笈燕坐甕  
 牖麻畦可衣秫田可酒抽針紉綻侑罇鼓缶齊眉結髮  
 賴有此婦人不裂眦事無掣肘陶陶此興殊未窮一身  
 易足天地中巷東畢公子爲樂渠能同宅舍頗軒亭園  
 池亦花草相過便開樽掀髯寫懷抱蘭房菊秀梅含春



拂翠勺紅隨分好，乏愛不無苧衣贈。取醉何妨接羅倒，畢公子吾之樂。今樂自如一盃對婦，今布衣蔽其驅。君之樂兮，樂有餘。妓女能楚楚，罇壘應指呼。醉鄉寬閑兮，吾得俱設侍。以金谷傾城之艷姝，酌以宜城九醞之醪。敷被狐白兮，擁羅襦。朝歌暮燕窮歡極，娛婪酣怡儼驕。妻孥外若豐澤中槁枯，吾不彼願猶彼不吾羨。畢公子方吾徒，狂歌而起舞，更酬而遞勸。蓋不知南威嫫母之有妍醜，衮衣短褐之爲貴賤。彼驕其有殆，醢鷄之撒天。豪其取如蝸牛之交戰，益知心怡愉無窮塗中焚如無。

亨衢畢公子倡予和女笙應竿他年遂初賦老盍歌歸去塵裏無曠懷人間有同趣四方向來志一巢今可具亦不願黃金爲梁榼爲柱茅屋三間近君住

讀師文和郡侯喜雨詩次其韻

時秋雨霖霪大爲  
民患臨安最甚吾

鄉恰五分  
熟可喜

濤波襄陵尚霖雨，龍伯不省田家苦。官中出鑪瘞流尸，內地之民無宅土。京邑本根枝外邦，渠儂枵虛闖官倉。流亡可飽骨可肉，縣官仁愛吏慈祥。古來畏天裁無小，迄今百輩餘一笑。陽愆陰伏誰致此，共說羣儉投有昊。



一昨雩禱餅不葷神祠佛屋香炷氲霓望朝昏耐跼踖  
 風傳真贗長紛紛我歸得同郡人樂愍農喜雨收奇作  
 想摩鯨牙凌浩蕩更穿月脇翔遼邈吾邦不熟農告功  
 溜匙雲子行沾儂小兒解謝倩人誚搜鐫徑欲分吾窮  
 乃公拙無尺一召他日當歸有先兆耕先耘後計未失  
 誰謂山林迹如掃世人二五不知十赴爭奪場不遺力  
 分表營營竟何補截趾適屨山藏澤黃堂詩老民所天  
 秋來衢路有醉眠樂職未賦吾歉然人言此筆須臾仙  
 小草可錄寸有長會從之遊據胡床蜂腰鶴膝容探湯

借兒茹裁升公堂

娟峰

偷羊名山人惡其俗其峰嶺翠秀整可喜余故作詩為山雪耻而以娟峰名之

當年金華小家兒神遊九天狹八維房陵之山秀而奇  
 蔚藍一山羣山推兒肯下顧停輶輜珠貝作宮瓊門楣  
 門前亂石無津涯一叱轉眼羊萬蹄粉鞞鞬紛躩尼  
 蹲鳴踞蹠供兒嬉有褐之叟鬢已絲似黠非黠癡非癡  
 傲睨竊覘兒所為掉臂席卷靡孑遺一盃見罰兒醜厄  
 亟鞭風馭還瑤池幻變起滅荒是非彼此失得誰成虧  
 卽有而無道乃幾仙者狡獪人得知以偷而名真見疵



我來訪古求端倪山吾良友兒吾師嘉木異石相因依  
如刻如椽如鬢眉名峰以媚吾始之爲丐片石儻可碑  
更遣子虛摘厥辭此兒此叟當解頤

### 墾山叟

雜木漫山誰所種居不臨流多不用九月霜風捲黃落  
羣山一昔皆班駁遙看拖帔橫祿衣農家刈粟山有畦  
家家墾田日嫌窄荒林翳蒼惜虛擲斲荒作熟不掛籍  
輸官之餘給衣食州中之政常近厚不欲屑屑校升斗  
寧其棄之聽民取實亦藉是作康阜繼承不皆惠慈守  
汝須彌縫吏胥口防有後來規稅畝

### 竹米行

竹君亢宗擅楚墟一一脩聳山澤臞風流秀整與世殊  
楚俗食息皆爾須薪之籬之且遽條筭管箱筐簞籃笈  
溝瓦厥祖羹其雛隨索斯獲掇諸塗今歲麥秋旱歲餘  
得麥僅足償官租竹君憫農如士夫著花結實千林俱  
密砌玉粒綴旒珠株株擷取雖錙銖彌頃亘畝無閑株  
磴磨蒸炊勝雕葫鄰里乞索水火如坐令輦感興歌呼  
野叟好事能分吾香清而冽甘而腴此君行能不一書



此惠及物旋就枯摩頂放踵忘其軀所學無乃墨者徒  
老子苟祿天之隅袖手無策蘇婢孤投七三嘆吾慙渠  
聞舒州書生聚衆爲盜

邊頭僅絕胡塵警頻年麥秕禾不穎淮民久矣困憔悴  
淮俗豈常藏不逞槌鑪血馬中夜呼劫吏驅民刃加頸  
吾民苦旱無生意更復跳梁汝爲梗堂堂王度無玷缺  
赫赫軍容仍暇整前年蝥戶煽凶威長蛇封豨搖湖嶺  
元戎白羽纔一揮欲丐微生一無幸爾曹么麼真癩疥  
天網莫倚容蛙黽昧逐青蟲干斧質盍辭綠林救嬰頌  
鯨鯢齧粉有前戒儻被皇恩各鄉井旱魃逞妖民倒垂  
廟堂聖賢自司命徑須委節發陳廩少息流離服頑橫  
勸分已責可次第庶援沉焚痊國病正資方岳佐堯禹  
側佇剡章伸此情

田家嘆

五月之初四月尾菖蒲葉長棟花紫淮鄉農事不勝忙  
日落在田見星起前之不雨甫再旬秧疇已復生龜紋  
近者連朝雨如注麥隴橫雲欲殷腐如今麥枯秧失移  
舉手仰天禱其私秧惡久晴雨害麥兼收並得寧庶幾



餅托登盤米藏庾儂家歲寒無重糝豈知送日戴朝星  
凡幾憂晴幾憂雨吾儕一飽信關天下筋敢忘田家苦

寄馮尉

尉時捕蝗甚冗

我遵兔徑西山麓荆棘鈎衣塵眯目憐渠此地費流光  
君亦風飡并露宿遺蝗躡躅無地皮田禾蠶食猶子遺  
游飢可念勞可忍君自坦坦人憐之繁昌亂山僅容罅  
一一到我馬蹄下南村喫飯宿北村罷極憑詩寫悲喑  
卽今不作勞者歌器識視我幾倍過脫身箠楚吾已多  
簡書趨走子如何皇家獵雉張雲羅長安知己肩相摩  
五雲深深護臺閣縹緲羣僊依碧落卽看郭振起通泉  
應笑卑陬郡文學

鶴帶箭行

楚州營士射鶴中之鶴墜郡庭若訴云

城邊鶴城棲水食衣楚楚欲鳴不鳴候天雨此肉胡宜  
登鼎俎柳營子弟弓石八南山之石猶飲羽如汝正可  
虛弦取血毛分披誰汝憐低摧直訴史君前史魚德意  
孚魚鳥全汝之生令汝飽徐行側睨若無旁飲潔啄腥  
近臺沼史君暫擁山城麾詔音不日遄其歸矢來無鄉  
汝誰依江湖粗飽莫卑飛



送瑞蓮新米白酒與韓監倉

珍珠滴紅敵紫腴君家寶此如珍珠我家玉友亦勝友  
論文遣到君座隅秋蓮結實甘勝蜜香稷薦新玉爲粒  
遙知毫末不及賓一笑聊同孟光喫

招鄭良佐

向來聞名思見面常恨東西異鄉縣卽今去我一葦航  
亦復經年不相見重陽佳辰可虛辱橙香蟹肥家釀熟  
相過一醉猶待速爲君已約東籬菊

臘茶并三詩送李元誠

池魚千里磨蟻旋人生出處俱可憐束書結鄰晏溪側  
淮安一寤三十年積今成古閱飛電我與昔人同此歎  
悲歡離合置勿論且喜重逢各彊健

向來衮衮論風期百年心事多好違君如荆石尚衷璞  
我似野馬初受羈射陽廣陽水雲屋襄城郵城塵土衣  
俛眉作吏一不遂丘壑付君未覺非

北風吹霜戰林樾菊花彫零梅未發畱君無物供吟筆  
一炷沉煙伴清絕騷人悲悽爲搖落舟挽不回仍此別  
還家試碾壑源春何似盧郎三百月



喜雪六首

寒空黯慘塞不開  
筵瓊屑玉卷地來  
乾坤變滅定何意  
風爲披拂雲剪裁  
和聲載路天亦喜  
簸弄花絮爲春臺  
了知麥秋更好在  
老農指此豐年媒

平明僮奴更笑呼  
羣飛掇取如拾塗  
僵鳶窘兔真鮮腴  
勸汝貸此驚啼鳥  
巢營卯伏知念母  
一一向來反哺雛  
梟獍縱橫鳳高引  
殄滅此族寧良圖

玉龍睡起長風激  
盡蛻玉鱗漂八極  
蓬僊帝女聚瑤臺  
剪水效祥誰所役  
或疑天公陋塵域  
幻作冰壺供一劇

是耶非耶竟莫知  
杯酒聊容曲身直

淮春之樓高突兀  
凭欄小耐寒如割  
平湖穹山兩西子  
愛此鮮粧巧塗抹  
回首斜陽照屋梁  
玉際坤輿尚摧壓  
今宵更呼甕社龍  
高掛明珠照空闊

去年孰不蘇捐瘠  
今年已餘四鬴食  
自公之來適吾願  
挽回太和壽此域  
一句再雪近歲無  
日日歡謠沸阡陌  
瓦溝待伴亦不惡  
要趁春前作三白

南鄰賞雪珠箔裹  
紅爐綠酒圍嬋娟  
北鄰飛雪灑枕席  
擁戶亭午無炊煙  
袁安吻燥屋不補  
東郭足鞞履已穿



江湖長集卷之十  
鳴呼悲歌兮歌且止安得薪炭如蓬酒如水

東園詩寄興化吳從道

吳索詩久矣  
今尋盟云

溪流抱玦園亭裏三面欄干壓清泚養花種竹今幾年  
紅紅綠綠皆風煙黑頭主人富文墨隙地營園喜畱客  
去年香霧搖東風藉花一醉君見容翡翠拂衣蝶窺酒  
歸時簷牙掛星斗有物繫足寒前盟徙倚東風空復情  
歌前酒所何限意黃鸝應說鷗應記一春不風卽蜚雨  
曾奉親輿賞花否向來懽游付夢雲向來券負今償君  
濡毫却嘆無好語說似能詩葉明府

葉進卿寄和章次韻復之

君文如泛濤淵裏方快驚瀾忽清泚手抄口誦欲忘年  
小窻長日銅爐烟端宜飲我三斗墨有底向人矜此客  
平生歌頌仍歌風寬柔靜直能形容心知公瑾勝醇酒  
人仰韓公真北斗詞壇正倚君主盟筆驅化工鉤物情  
詩來得我玩世意刻石便當幽居記兒曹轉手作雲雨  
陳雷輸心可人否中牟報政徑青雲此老洗眼久俟君  
重逢首理車笠語定指渠儂笑城府

再次韻酬葉進卿



病翁耐病杯杓裏鼠矢壓書毫不泚眼中凜凜黃初年  
讀詩意欲凌紫煙君才王佐綬猶墨公外從容作詩客  
心期與俗馬牛風化頑惠弱清而容不學玄明剛制酒  
不學陶公辭五斗斯民信君如詛盟飲羊攫金皆用情  
聖皇盱食求賢意姓字今應御屏記太微清都上雲雨  
鹽梅調鼎極可否一艇付我眠溪雲詠歌太平橫紫君  
十行看君拜天語去酌天漿列仙府

次韻寄葉進卿

回車記我君能賢席門忽下鳧背僊參辰相避徒自惜  
但有妙語邦人傳阿戎齒錄雖牽聯陸沈父書如縛禪  
題鳳不寘稽喜下殺鷄容羞季路前才名放君一頭出  
高山可仰井用汲小兒弄筆不及嗔顧捐鄭朴收和壁  
作十日飲當有時岸花水芝皆可詩祇憂老氣不復振  
挑大國楚提偏師

再次韻酬進卿

平生友人今事賢長裾每侍黃堂仙東方一士復石友  
平安幾見郵音傳斬新好語來翩聯當念醉叟方逃禪  
亦知平處古人上更卜氣蘇君子前敢辭敝帚爲君出



智井塵生不受汲但思共坐蓮蕩風雲錦明船月升壁  
把酒一歡當及時定拚費日仍費詩轉頭相望便淮浙  
已辦顧直呼篙師

喜雪篇

玄冥職寒事庀職今幾時窮秋試雪似早計冬令欲盡  
噤莫施風聲不怒日車近客裘未綿河未澌吳門十萬  
家心口同一疑天公行四序暑寒各有宜歲云暮矣未  
見雪嗣歲何以銷疹疵或云太湖龍避靜扃神扉把弄  
明月坐貝闕世間休戚吾何知瑤臺十二層列坐萬玉

妃屑瓊翦水亦戲事仙界運指想不龜徒勞望切切終  
竟來遲遲芹宮冰氏翁見與俗異岐亦知僊人不作省  
事過龍公肯如游惰兒顧此千里間司命付吏師拊摩  
窮日力日究仍夜思向來裸露各温燠一衾一絮公手  
之趙衰之日周比屋更以晴日相融怡黃童白叟歌且  
舞和聲協氣填應箎羣仙飄然下龍亦赴指麾先之汛  
灑五日雨一雪不待公有祈花作坻壠絮作陣雲爲翦  
刻風爲篩豈直冬温要彈壓抑令宿麥蒙沾滋去年豈  
無雪雪神春不歸賑施不預計熟視民飢羸他邦亦此



雪災祥果是非苦樂咫尺殊滿聽民嗟咨孰知此雪瑞  
此土邦之人兮建德之遊春臺嬉坡僊昔穎尾喜雪憂  
民罷賦薪遺粟亦戶到盛事未遠誰可追卽今欲雪未  
雪已著念挽回春意能先期擬揭蘇臺之仙惠慈術請  
繼穎仙千古垂惜無師曠琴幼眇絃吾詩

次郭祕正韻

伊昔乃祖使朔幽艱難以來無此流節旄欲盡氣彌厲  
始元屬國真其儔清篇神護到江表河梁訴別豈所侔  
嗣孫學力有家法洪毅不割清不浮驥子受轡抹燕越

粉袍長鈇猶小畱人稱張籍好古淡我愛趙壹辭伊優  
往之論交恐避俗是人搖颺如綴旒長年閔默墮俗學  
夙志顧省傷羈囚頽然扣門出新作山竒海祕困窮搜  
頃從同盟漫著脚歛遇強對須抽頭吾鄉巨擘子龔子  
磊砢貯腹皆陽秋麗唱妍和日九返君腕脫矣盍少休  
惡語送似定一笑共笑燕石疇精瓊

試俞珣筆呈羅大著

時羅趨朝

市工營營有工拙珣也旁睨裁一呖扣門屬我祗厚頰  
結字著書無一愜繡衣僊人歸告猷盍取此長助毫髮



青霄政須立螭珥黑頭當看獲麟絕豐功被世名不滅  
珣亦歸裝倒明月

春雨寒甚作長句

白龍天飛宜莫測吳儂解數歸消息年年青帝發生時  
似如園林春動色西山龍母誕彌月歸覲親顏供子職  
壽觴瓊醴俗共傳玉鱗素髻誰所覲酸風鼓寒苦霧塞  
行人縮頭欲僵立蛟鼉凍蟄大木拔更問嬌紅并眉白  
閉門三夜淙簷雨起視溪流高數尺去年夏秋走祈崇  
雲電收藏日血赤儂家倚鋤望眼穿白汗呀流地龜拆  
天可問曷不遣兩龍此時會生日

王秀才亦愛軒

王郎一空天地中客來有榻樽不空奉親一笑辦能事  
插架萬軸收新功男兒磊落四方志况子郎罷方詩窮  
亟書周庸賜漢第可用容膝師陶翁

寄鄭良佐

良佐戶屨甚名族之者以爲狎小婿諸  
生多引去者徐察之乃同姓比居之子  
族者嫁其  
謗可笑

書生著書貪日課文士賣文救窮餓青樓歌酒屬富兒  
不意此名君乃荷風波平地自誰始一倡從知百人和



東魯男子舊修謹南郡諸生底逋播平安敢煩街吏報  
潔白長賡楚人些流言不計兩曾參機上慈親枉驚墮  
阮舍尤須辨南北杜冠可無分小大寧知宋玉笑登徒  
或指宜尼作陽和壁亡誤使張儀去兵利徒爲少卿禍  
違從兄食祇厚誣償同舍金聊引過無黥可息劓可補  
未信白壁青蠅泥君不見吾宗孟公士所傾亦有俗子  
驚人坐

贈龔養正二首

與養正俱病久不晤會作詩寬之相濡呵之意也

思君不辨一再過東書謝客方臥病不爲儒林丈人地

可耐造物小兒何我亦病氣剛制酒自春迄秋在告多  
幾時蹣跚數訪我爲君快作鯨飲河

百骸綴聯等非實調虞小愆諸病入忘三彭仇念昔聞  
作五禽戲曹此術吾身甚羸心甚安妻孥已捐今昔觀  
平生學力外生死砭劑求工聊復爾

次韻巖上舍讀書目昏

聲利營營閱蜚電人生悲歡更幾遍羣兒沈迷如病醒  
尚念醇醪夢酣醺吾儕較之唯阿爾書淫僅逃紅綠眩  
短檠半世課蠅頭老閱舊藏紛莫辨近從損讀得奇方



江表長翁文集卷之七  
穩坐幽窗憇吾倦嚴侯著書定千載尚向枯策求聞見  
可無一洗竇郎癡捉筆因君拂塵硯

謝韓幹送絲糕

玉顆瑩澈珠就磋吳鄉早秔莫計過無乃風露秀結異  
移種崑崙之木禾君家厨婦窮百技三春九泝付重羅  
銀絲萬尋忽縈積中疎外潔生搓按扶桑仙蠶大如盎  
縑之本供織女梭恍驚萬啄闢新巧習作冰茸雪網窠  
卽今擬形供食事纖手幻出千紉多倒甌入筋第三絕  
色香兼味皆可歌周官賓祭珍養餌有此復具理則那

詩翁物色及粗糲得此來前當見訶鱸盤漫詫金縷釘  
湯餅徒夸銀線窩瓊酥玉賦信非匹胡麻崖蜜仍相和  
感君泛愛記衰朽回首一笑分餘波腐儒口實長作累  
饑儲之名定不磨金山別去每掛夢老眼復見還雙摩  
婪酣得飽問便腹如汝平生相負何更從公子乞方法  
日當飫之老澗邁買田二頃不種秫未怕酒客來操戈

糕不用糯金山者名天下

韓守松卿索近詩

錄數紙寄似并詩道意

昔人技成歎屠龍似我五字耽雕虫鑄肝指腎探懔恍



江湖長翁文集卷之七  
半世不辭詩得窮詩成頗訝神與力疇昔夢中分五色  
援毫動作萬鈞幹應俗何曾一錢直豪韓有句當千年  
取世所遺政自賢數篇蜚向青眼邊可復把玩盤中圓  
君家十頃圍翠密近榭遠亭如画出特須喚我一罇同  
笑對風煙揮此筆

食晚菘新筍

化兒出奇安此腹不稱智囊不盛肉飢雷收聲纔脫粟  
薦以藻芹仍杞菊園丁可是監河侯供我朝昏三畝綠  
卽今春菘晚不衰况復桂筍森可束含煙帶露不相下  
坵腹撐腸未云足食單一日得二雋回首常嗜真輿僕  
殿春日月官上速日擷芝莖剥織玉風排雨浥猶須十  
臥作枯菱起成竹

題姑蘇南道者庵

城南路長勤往返迎送何由貸吾嬾向來紅葉撲吟袍  
重到綠秧圍望眼有人閱世風前蓬年年客我此庵中  
問津莫問庵中翁貝葉結伴渠陽聾

江湖長翁文集卷之七終



江湖長翁文集卷之八

七言古詩

贈鹽城諸友

鹽城偏海不可井飲城西有池甚近人狃習俗置不省袂蔽起俗非常官君子不可且舟致之易足意為此必有道不然無為貴政術矣長句呈二三友或可以告為邑者也

泉脉不通海濱土人家輓轡上鹹鹵新杭本自玉為粒  
薦孰便如猩血煮初嘗已歎失香味炙食更憂戕肺腑  
城西禪海百頃寬紺碧瀾瀾含霧雨我昔艤楫酌清冷  
潔比盤冰味牛乳得非天意補此乏跬步可斟殊不苦



但令十舟玄津致坐遣千室皆甘茹迄今俗習不自拔  
如食置傍飢不取銅章師帥盡時賢盍有教條祛惰窳  
君不見樂天六筮挽西湖惠利可容今愧古

歸自淮南雪行呈張鹽表憲

歲星逼歲回躔吳吳兒不用憂旱枯社鬼雨師當率職  
雪龍已復隨指呼百年眷屬無寧居崩騰膠葛周太虛  
翻雲挾雨動十日洒潤及物無遺餘帝意嘿與皇心符  
婁豐政欲嫪鰥蘇鳳麟告瑞底用此粟麥充腹可使無  
節物破臘催謝徂挽回和氣浮洪爐熏煙已告佛供罷

壽學想見皇情虞漂然一舸將腐儒風前壞席爭長塗  
乘凌繽紛入縹緲俛仰色界行画圖平生壯觀老不孤  
今段造物真娛予擬從玉妃助剪水徐與帝子看積蘇  
天僊着我曰玉壺應笑袖手毫不濡歸從繡衣兩詩伯

照夜更撥驪龍珠

時兩公有雪詩故云

龍泉

神龍媚此清淺居歛然騰陵行太虛越民倚賴龍沾濡  
頻年歲事勝三吳至仁一視無戚疎置彼此及心缺如  
嗟龍白伐端欺予淮南之民如渴烏

是年淮南旱



登龍泉山

越山東來萬煙鬟餘姚爲邑山四環客車細穿市井間  
邑屋更繞龍泉山佛閣翬飛最高處遠近嵐霏隨指顧  
小畱開船有新句君知可是囚山賦

文亭

小江隨山巧回互轉首碧流分兩股文亭繫纜待潮生  
徙倚纔容一炊許潮信曾何差頃刻固應作意憐行客  
爲誰東去爲誰西酌酒慇懃酬河伯

癸丑勸耕淨居

十五里近車不驅淨居之役良舒徐愁霖鼓寒妬春事  
倏喜淡日行雲衢涉患知樂聞自古積忙得閑聊尉予  
崇堂脩廡盤礴久厖眉鮐背紛前趨爲催酒肴勞苦罷  
細問里閭愁歎無怡然離席手加額共說溫飽沾妻孥  
頻年豐登豈偶爾聖恩及物天地俱卑官政拙民未厭  
輦輸肩負憐朱愚餅果在袖笑在頰闖門稚子爭攜扶  
我亦僧飯對兩雛未妨清坐留斯須爐香翻頻茗事竟  
殿影已曠東廊隅復撚吟髭度盤紆人聲鳥語樂有餘

贈妙勝主人

勸農正覺風寒甚明日歸晴色可喜  
迂路訪妙勝主人因贈以詩且道塗



輿臺却略車不前寒風皴肌冰在袖還家大勝去家時  
景物頓回春氣候宿雲壞裂無幾畱滿放羲輪碾晴晝  
臥石犖确猶潤濕短籬檀欒挺疎瘦是處麥畦間青壤  
誰家柳陰圍碧溜前山競獻曉髻濃後海全收紋縠皺  
妖桃艷杏各趺萼近樹遙林錯文繡池魚酣煖泳清淺  
山鳥何知語幽茂搜詩忽忘路遠邇啁鵲不離車前後  
閑身勝踐多齟齬緩駕幽尋容宿留轉從淨宇寄倦憇  
得訪老禪閑話舊拂除塵壁詩刻在俛仰歲華春事又  
開單一飯吾易飽袖手千偈渠無陋戴星摩撫防務廢  
挽袂留連慚意厚出處殊科要酬應氣味相投真解后  
吾歸自竟武城歌放師道價諸山右

贈趙排岸兼簡汪尉

奉化二奇士得之聞見趙君過我得而友之昂藏蕭散真

晉宋間豪邁士作別未幾書來訴窮狀因急筆作古風寄之汪君輕財好施惜未識也詩兼簡君

二年俛眉簿書俗分無足音到空谷趙侯縹緲塵外人  
肯艤歸舟問幽獨冰壺炯炯當九秋巖電熠熠懸雙目  
小家樽俎解咄嗟卷褥或能營酒肉從容不待投轄留



坐來屢跋銅盤燭酒酣辭鋒不受觸脫手詩成驚破竹  
雄才偉論兩超絕磊嵬大稱此腰腹定多欬唾到銀筆  
自可風標藏画軸別去日月詎幾餘豐悴真成手翻覆  
慈烏絕哺心糜碎脊令斷行淚陸續化兒與人底異情  
念君胡寧耐荼毒詩腸祇作飢雷吼譚舌未免窮塗哭  
肉割鷺股竟何補書憑鴈翼慚虛辱退之方急一簞食  
少陵徒思萬間屋語追競病代舍寬王將軍家祿千斛  
奮蜚行矣君有待否泰更之吾已孰豈容步仞局赤驥  
會見青冥上黃鵠奉川之汪乖崖上有粟如阜金如粟  
載寬縣籍償丁筭長與饑民共年穀一牛鳴地監河侯  
盍令顏闔能饘粥

雲巖曉

淮山歸夢清莫續僧窻睡足雨亦足鍾鳴鼓動葦爐紅  
深炷沉檀共僧粥我生身口良易供志願略與山僧同  
明年聽雨淮之東還許幽人林下逢

再次韻

深堂清話紅燈續不減前人參白足譚禪論詩僕爲僵  
更啖芋魁分茗粥賦租正爾憂闕供安得繼日笑語同



江湖長翁文集 卷之八  
他年渭北仍江東  
鴈書定復嗟乖逢

淨居主人索詩急筆賦

淨居棟宇犀辟塵  
山居不乏塵外人  
我來肯作厭客想  
老語一一刊翠珉  
頻年愧煩香積供  
醉後狂言亦安用  
詩成每博覆瓿譏  
更向叢林繫輕重  
皎公啓公後進師  
好事繼今誰似之  
他年落筆須妙質  
政自兩公勞夢思

送雲巖老住天寧寺

道人兀坐雲巖山  
雲巖之雲是知己  
風噓岫吸漫不知  
道人心亦如此從  
地湧出煥金碧  
信手拈來自奇偉

門施鐵限十五年  
一旦刺頭開籃裏  
天寧古刹中闡闡  
學子遊人萬其趾  
世將喧靜計今昔  
不信道人心似水  
方圓隨器我何與  
乘流卽行坎當止  
十字街頭鍾鼓鳴  
八千偈成一彈指  
今秋客公我得閑  
井甘不竭囊無底  
清譚要洗三載塵  
肯學玉川勞送米

識村翁語

勸耕淨居村翁老而健問其壽云山居  
淡食乃爾昔一村叟一野僧皆壽百二  
守杜郎中史丞相呼而致敬厚設而歸  
卽逝二人壽未必止此厚味非野人所  
饗也其言有契  
予心作此紀之

山僧一生饜山藪  
溪叟所仰纔魚菽  
闔首侯家與相家



江漢長翁文集卷之八  
珍膳不應填汝腹百二歲翁清且羸茵坐鼎食寧其宜  
焉知暫飽博長往穀神震怒脾媪悲官家顆粒皆民力  
此祿食之須此骨兩翁妄食壽弗延當念無功暴天物  
我雖不偶猶餐錢車行肉飽隸後先食功揣已懼不稱  
因翁有言呼使前盤几畢識翁所言

魏知元有贈仍索詩作此言別二首

朋從應醜岐薄厚魏郎凜凜金石友四年再面情轉親  
日有溫言到衰朽涇渭不混清濁流雲雨肯隨翻覆手  
自今淮徼望吳天安得山林長聚首

作詩求工今則然古人培本深其源周雅莊騷略未究  
浪摹尸露綴語言知君胸中藏武庫平生遊戲皆好句  
老夫血指妙斲前亟當還家事溫故

贈送行六子

予之官嚴文炳傳商卿張公輔臧子與子儀汝舟送

北風獵獵吹行舟客子坎止今乘流汀洲立鷺仍飛鷗  
定應笑我當退休一貧所驅不自由表表六子古與儔  
知我此意不見羞送行兩舍未轉頭我生甚愧羊荊州  
郭吉校君誰劣優天氣冰井風力道召棠蕪城甘滯留  
推挽共作平山遊倚欄逸興浩莫收劇譚落屑酒溜油



不許旅寓生羈愁飽閱世態諳枵浮高情如君未易求  
嗟予老矣胡爲酬相與金玉論軻丘

再次韻

此身漂然不繫舟呂梁灑瀕皆安流江湖萬頃浮一鷗  
此心玩世常休休吳山楚水紀所由湘纍老枚寧匹儔  
琢句亦復忘晨羞摛扶肝腎掉白頭歲六十四方佐州  
計原夫日無乃優客路日月迅且適朱顏壯志逝莫留  
吾聊爾爾賦遠遊山川自可卷軸收老懷槁暴今膏油  
訪峴山石弔莫愁庸隨大楚皆萍浮顧我不樂夫何求

緬思六客同獻酬如挹韓衆追浮丘

謝儀真諸公

蔣教授楊知錄吳司理曹主簿挽留作

十幅擬掛東風蒲衆賢好事爭挽裾盍不一笑留斯須  
咄嗟而具成燕胥僂醴湛湛白玉壺篆烟裏裏黃金爐  
駢集水參羅山膚彼妹者子不待呼鞮塵相攜來坐隅  
炯然浩齒明眸俱含宮吮羽纍貫珠移柱品索鳳將雛  
詼笑盡略世謗拘諸賢堂堂吏而儒才猷聲稱雄萬夫  
慰藉傾倒向老迂風義已與古並驅况把樂事分窮塗  
衰顏得酒失槁枯暫容二子相映朱尚憶扶醉下筍輿



江灘人聲雜鴈鳧一歡轉頭墮空虛此歡欲繼良難圖  
周旋四賢偕兩姝此人此日吾知無

繁昌縣感舊

繁昌古縣依山麓縣外峯巒更重複連山斷處圍平陸  
有地可耕無十六昔我作尉三年留局促似爲山所囚  
野行村宿飯古寺山路孰悉如吾州車如鷄栖馬如狗  
風袂塵襟博升斗是時身健髮財班頗復興懷爲奔走  
遠近人家山影濃與我周旋圖画中山鳥翔集相和應  
野花開謝能白紅薄宦而今更長道回頭祇覺當時好  
筋骸罷憊鬢摧頽不歎漂零歎吾老

琵琶亭

抱愁莫遣朱絃鳴此聲更與愁人聽江邊一聞琵琶語  
月慘風悽如動情何況思婦傷幽獨少年多藝顏如玉  
江州司馬廊廟人暮上諫書朝放逐輕籠細撚忍淚彈  
開樽側耳思惘然一詩說盡兩心事遺音畚入歌舞筵  
此翁詩名自千古誦詩亦歎琵琶女誰惜亭前泊舟客  
頗爲漂零動悽楚鄰家故妓春風手此曲每侑澆愁酒  
今宵月影祇三人倚欄長嘯空搔首



江浦長翁文集 卷之八  
題陳主管東牆三峴圖

堂上不合青楓起煙霧  
墻間江山更疑誤  
千巖萬壑眩明滅  
暝翠浮嵐滿窻戶  
峴山崑崙屹相望  
發地撐空騫欲翔  
一峯拔起羣山上  
業若紫蓋相雄長  
仙山佛國住杳靄  
晨煙暮雲追懔恍  
良工妙與山寫真  
詩中有画須詩人  
誦君清詩對画壁  
承蜩斲鼻俱疑神  
知君懷古有高趣  
我擘襄山識佳處  
願抄此詩謄此圖  
開卷時時揖羊杜

次韻許節推喜雨

昨夕聽雨喜不寐  
清曉欲作喜雨詩  
撚髭臨紙筆未落  
墮前乃獲瓊瑰辭  
白鷺免烹巫不鼓  
麥田欲乾沛甘雨  
玄璧揚輝珠剖蚌  
詩思方慳得奇語  
似聞比屋歌謠中  
如我與君歡喜同  
偕渠一飽已入手  
錫羨陰隲繫誰功  
民是天民天自恤  
佻天之功天所疾  
君言寵矣吾敢荷  
更喜因詩識詩律  
吾儕豐悴懸諸天  
此雨無亦天興憐  
轉頭七筯薦餅托  
鼓腹可但田家樂

再次韻

舊雨新雨不後期  
豐年當復歌周詩  
手調玉燭屬廊廟



江湖長翁文集 卷之八  
歸功假手敢固辭婦子赴工聽曉鼓山歌和應揮汗雨  
麥黃蠶老十分孰坐衙日日聞此語偕君薄宦羣山中  
與我憂喜大抵同畏壘謬詫庚桑楚醉鄉盍訪王無功  
向來小旱煩憂恤喜雨新來慰衰疾焉得妙思作彊對  
如墳和箎呂應律行藏老矣不問天一飽肯受兒輩憐  
爐熏頻炷牕頻托公餘還我文字樂

再次韻荅余司理

雨來不後晴不遲今晴昔雨皆可詩自憐老去才易盡  
平日尚有黃絹辭挑燈初聽鼙鼙鼓南風收盡簷間雨  
麥根旣潤燥乃宜此事時傳老農語人家屋脊黃雲中  
南村北村歡笑同定知老子喜欲舞鼎來騷客爭奏功  
詩人例窮天肯恤浩然不逢李賀疾宿習纏結我未脫  
前身永思今次律君亦妙巧戕其天低摧與我皆可憐  
此篇嚴密更開托却須編入襄陽樂

次韻荅路監嶽

房陵水秀山峩奇政與路子昌其詩臨風啓緘誦傑句  
狂醒病臥聞楚辭陰陽閉縱坎其鼓年年瀆神爲暘雨  
所嗟坐衙未暖席已有疲民相告語買牲醮酒方熱中



霈然一雨千里同雨足便晴夏田好麥秋決可收全功  
與民父天免銜恤更因歡喜忘肺疾雄篇良佩君記存  
聯翩古調仍唐律君前以律詩見遺人才高下淵視天貂不易  
續私自憐側理漫草腮漫托纏聲鹿鳴媿林樂

再次韻荅節推司理

人生行樂當及時底用航古仍癖詩老子平日汗牛載  
五窮追逐不得辭羅幃圍香擊鼉鼓食填巨壑酒如雨  
君看白面紈袴郎不知經史何等語笑我蠹魚塵簡中  
口角儒墨紛異同腹雷晝隱吟仰屋詫向子墨收新功  
雪毛眵眼不自恤譏訶抵觸取憎疾幾人插羽上金鑾  
漫云九事八為律不如醇朴還吾天抉腸剔腎誰汝憐  
且從酒徒趁落托向來失計今差樂

再次韻荅梁教授

陰晴如期喜可知况復攜束收新詩相如未至客之右  
開編自愧多蕪辭碎貳付我千家聚佩襟戴君霑化雨  
相從可獨臭味同接耳僅聽淮鄉語詩來驚倒聒嚚翁  
結字著語古與同少須官解住家穩往問句法幾即功  
似聞知津問沮溺山間晴乾度山疾一笑行舉通家杯



計日尚前蕤賓律過君定發醯瓮天傾困倒廩當吾憐  
家居除領齊眉托意與諸雛誦思樂

記揚州舊事

吟成遂復用此韻一笑  
事固有大同小異者

合宮嚼藥今柳枝燕臺酷賞騷人詩國色天香豈凡品  
瓊枝璧月信好辭向來弄影對簫鼓楚山高深自雲雨  
若爲白晝去臨邛鸚鵡難防漏私語翡翠久矣雕籠中  
轉頭縹緲雲鴻同遙知懷璧駭衆目負山雖力難爲功  
敢意歸來辱收恤瑾瑜匿瑕山藏疾客子一誦打鴨章  
東君盧胡置嚴律風生翠扇闐闐天酒邊重聽想夫憐

樓中之燕當掌托老子久謝裙裾樂

再次韻荅節推司理路監獄

世傳秀句我旣不能如唐王維民依慈母亦復不能如  
漢杜詩一官疆顏竊溫飽粗免庚癸形庾辭分從村歌  
趨社鼓厭見翻雲覆手雨橐中僅辦買山錢徑當拂衣  
踐此語三子表表吾眼中趣操肯復衰朽同辭壇嶄然  
推大手官業行矣收雋功老夫老矣暇他恤灌園之隙  
要治疾折腰曳裾今痛定端如縮鼈取卒律誰能違性  
譽所天俛眉屏息前乞憐回思一挽間千托帶索彈琴



有餘樂

贈梁教授

梁與予韻頗翰墨相傲於寂寥窮約之境惠詩用其韻答之昔人反招隱意也

梁侯藿菽芼山雌冷坐欲試菁莪詩嗣聖急賢饑渴似  
項背趣召君得辭九門方懸帝堯鼓久旱可無傳巖雨  
幾聽言議得韜韞了知它日驕所語人言才俊當居中  
可使流落吾輩同鄧禹舊補文學掾蕭何不書野戰功  
民庸國計當惠恤和扁之側無癘疾會看同沐一臺春  
底用更試三尺律生齒所戴共此天杞國過憂吾絕憐  
八柱如虧遲君托未應詩酒私所樂

次韻梁教授

房陵爲州亂山鎖雅宜著此衰病身勿云最爾曹鄩下  
舞袖莫回脚不伸土風疎邕北通魏語音勁正西帶秦  
入筓臥沙慣割鮮溜匙雲子免薦陳發軔淮鄉此槃礴  
兩地頗復同真純出處徑付無何有泊乎無營道自親  
損欲驟覺靜勝熱休心寧作良裂寅聲名籍甚梁夫子  
相與一笑寂寞濱胸次但有雲夢澤衣上不留京洛塵  
賓友固應消鄙吝妻孥亦解忘賤貧衮衮新篇警衰朽  
清淵曉吹轉漪淪顧慚陸沉俗吏行長須叩戶何妨頻



世儒難得詩造妙汝曹但詫錢通神  
甓社宅年訪遺老  
爲君蠅頭編舊草

甓社高郵城西湖山谷詩亦及之以贈孫中丞萃老

次韻梁教授

一代司馬公山立皐稷後聲名竦華夷  
所樂在五畝著書不止陵左班措世治  
平嘉祐間不欺之學誰與嗣元城逸駕  
君獨攀秀野之堂新斷手儼如拱侍公  
左右扁榜結字吾何取顧使與堂傳永  
久斯邕古篆學未成鍾王石經空典刑  
向來玩碑一再宿怒猊渴驥慚舊評柴  
車爭道乏妙領畫沙之錐猶露穎閉門  
柿葉徒滿屋竟使吳霜颯垂頸潮乎相  
逢柰老何妙語愛君金叵羅及君未中  
元祐科深衣容我時相過

次韻梁廣文重午弔古

去年重午飲酒歸賡歌醅酢無俗子  
今年重午約同飲更向詩人閱詩史  
平生玩物遊戲爾把酒孰知情所寄  
交朋徑略形體中嗜好本非杯勺裏  
自昔騷人吟九辯亦知令尹安三已  
宗英分嚴君恩重一身摧折財稊米  
空遺楚俗千古哀沈菰鼓鷓喧江渚  
屬世休明偕五細尚論取友吾謝此  
但製荷裳晝明月無復淒風起蘋芷



江清長集卷之八  
明日菖盤薦急觴容我客間先坐寐君來何止四者并  
九室之春賤如水

再次韻

菰粽蘸蜜綵作絲竹萌尚籜榴未子官居端午不可孤  
小却文移謝胥史酒社切戒屐聲疎詩郵莫漫奚奴寄  
與君相望淮南北宦遊適偕亂山裏老紉章紱我不稱  
路指雲霄君未已相期玳席醉九室先向花牋驚八米  
自昔詞源浩千頃粗許老子窺涯涘明朝酒罷詫里閭  
頗嘗見客今有此古人獨醒怨不逢時寧施蕢葉蘅芷  
史隱顧竊詩酒樂自公逶迤佳食寐一歡况復醞佳節  
豪飲當觀建瓴水

急筆次梁教韻

禱雨應祈梁有詩裏予過當且早晚有三杯約故末章及之

旱氣如燬民其咨漂然一雨喜可知醮席龍壇揭精意  
青章祝號免愧辭馨香了知罔時怨耕耦亟用發爾私  
四鬴足食可倚俟三年餘蓄夫何疑小麥困藏蟹已擇  
及此得雨未後時陰晴向人信大巧此柄似付吾輩持  
豈特貧窶免逋捕抑令催歛減筆答旱魃蝗蝻方躑躅  
不待炎火俄殲夷吾皇聖德帝所佑上瑞何必占著龜



職民之憂假守事遇裁詎可缺禱祠貪功謂益古不予  
讀詩愧色浮清涯揣已未敢拜此賜亦念佳句堪療饑  
擊鉢千紙久不講聚頭一醉屬有期自公退食况病減  
今我不樂將誰欺青樓歌舞有新按中年絲竹聊自怡  
已戒隸人謹約束酒闌一屏驪駒詩

高頭市

陂行欲盡山崛起十數人家住山背行人不炊市無米  
買餅充腸聽願旨日未薄山收市里閉戶人家呼不起  
今春倦憇車曾捉風物人情不如此主人睨屋爲翁指

方秋此屋猶在水間里襁負皆轉徙老夫危不魚腹死  
更向秋田問餘幾使之饑寒責廉耻不忘資人約諸已  
焉得人人顏氏子向純厚俗今不美曾是登山號庚癸

謝高機宜惠紙

詩人百用皆草草文房所儲備精好君家此紙世上珍  
肯分嘉惠及此老女膚膩滑葭膜勻溪叟搗冰舊疑神  
何人袖有善幻手解藍田玉山爲貧銀光魚卵人皆重  
薛濤小牋纔近用盍自留供鳳尾諾十吏卷舒看飛動  
杜郎百幅顧見貽敢用實腹療朝饑囊詩方逐大堤客



快意揮掃播拮辭策翰墨勲闖宏大功名逼君方未沫  
何當太史牛馬走秉筆特書端有待

寄安撫程丈

次穀城常宰送羊先是襄陽羊甚佳試效蒸之亦不惡故作

書生次舍先菜把迺有甘肥來飭下今日之羊我爲政  
屬饜敢忘分甘者府公寬容蓋代豪憐我詩窮仍老饕  
臥沙九肋七不飭出甑嫩顛如花糕卽今野飯山棲地  
食指屢動饑涎墜穀城明府府公似割鮮庸繼臺無饋  
食神黃媪喜欲顛一夜搜詩不得眠將軍問腹汝見負  
世用官業俱茫然論情少須分袂處未敢徑指房山路

餓鷹得飽遽颺去政恐阿登輕呂布

次韻程安撫蟹二首

橫前兩鋒踞草泥恃勇寧復防吳兒倏隨主父死五鼎  
豈止郭最遭寢皮凡物有用皆賈禍汝禍已酷孰使之  
平生一窟不自辨敢羨鯨鱷遊天池含飴茹酒膏懷璧  
僅得士女稱珍奇不搖喉牙詫雋永遠封嬰缶爭矜持  
爬沙躁擾良可念請續杜老觀漁詩

物生不學螭蟠泥禍及乃誘造化兒良材厚味庸自保  
熊斃以掌豹以皮雄戟介甲亦壯矣乘流未可聽所之



託身要是鯤鵬宅不然借穴習家池主人仁心及垂蟻  
一肉三韭不好奇每譏騷客寒蒲縛更笑狂士左手持  
忍饒愛物良未失可媿於物形聲詩

次前韻言懷

莊叟所願龜曳泥正平止從屠沽兒了知聲利昏酣者  
一一癡骨包妍皮江湖我雖吏隱去仰示二子終愧之  
逝將歸種二頃秫又欲深鑿六畝池目寄飛鴻百念息  
付渠夸世與釣奇山翁溪友結三益長年直釣時一持  
灌園之隙課阿買分題細和陶翁詩

次韻程帥

程分惠糟蟹破戒  
食之因詩來遂作

嗜慾割去土與泥調虞氣血等稚兒拘拘謏謏世所怪  
未免鶴髮仍鷄皮甘脆爲目不爲腹蠶繭自縛良苦之  
兩螯公子大於扇九室春色堪爲池九室春房  
州酒名開緘况  
讀萬選句快意領此一段奇自憐忍欲忍艾似涎流津  
體不自持明知喘疾有時愈更寄斫雪加飡詩

分糟蟹送沈守再次韻

笑呼赤脚拆印泥婦姑歡喜舞兩兒沅江似識九肋鱉  
伏雌祗慣五瓣皮海螯不落江螿下郭索公子是似之



但聞淮浙詫此味豈意分派來江池

今年二州大蟹不乏

門戶獨

亨良多愧古以饕餮聯窮奇史君據案帶減圍一杯解  
顏情分持未用秉燭喚窈窕促軫且絃詩老詩

再次韻

犯雪南歸因帥來詩有雪句

驅躑履險不踏泥我亦策蹇驅盧兒玄雲吹寒作飛雪  
瑣碎渺漭無地皮幻蒼變白頃刻爾翁張披拂誰為之  
定白帝所干玉妃羽衣鶴帔集瑤池俯視下方粲一喙  
剪水刻花爭出奇忍寒索句徒自苦萬象偕我遭控持  
明朝雪收鵲亦喜郵筒到眼還新詩

帥寄詩再次韻

才力高下岐雲泥龜鏡國老乳臭兒紛紛過眼敗人意  
棘端覓侯毛不皮江西久無金華伯平水未識元微之  
府公牙頰著天籟吮漱漢武鳴咸池江城婁雪傳新作  
梁園賦客讓瓌奇振兩文忠舊號令赤手破敵無所持  
小人拜賜但袖手匪報未辦瑤華詩

攜襄陽詩卷示子孫再次韻

還家未澣衣袂泥聚首笑語環孫兒挽鬚倒褚問所得  
醜昌定續陸與皮小子情話吾所師指瑜摘瑕切中之



謂公傑作含古意白月在天影在池阿翁曩曩十駕足  
故步雖在欠新奇向者護前今不爾自呼罰爵爲汝持  
與問潮乎柰吾老亦喜商也能言詩

再次韻

是日得程帥詩簡

歸擔乍弛誰洗泥史君載酒攜歌兒小家捲褥當酒負  
醉倒一笑眠虎皮平生自審枯槁甚高情顧肯振拂之  
均州從事六輩來歡喜如官浴鳳池詩筒偕拜府公賜  
格律高古語崛奇頭風失去肺渴滅病夫雖病容枝持  
南山側望潔齋久知我日誦無生詩

寄程安撫

離襄陽始冒雨中塗大雪間關淒楚已甚然奇觀亦良快八車中讀程詩卷作古詩紀行且寄之

歸袖翩翩去誰禦篝燈熒熒翳復吐取道言從草市西  
問津更訪脩竹塢殘夢歛過均州山殺更尚數襄陽鼓  
益益屯雲連遠袖剪剪北風斜細雨袖手縮頸寒可勝  
美殺昨宵宿僧宇伏龍一炊隨分飽小市居民無醢脯  
孔明棲遯此其地有廟纔餘十里所側望縛足欠一往  
不得持盃弔忠甫鹿門三峴率如此何者不爲積陰阻  
行行野香間幽艷晤對未用嗟無侶櫟林森疎陂淥淨



江梅水仙爭媚嫵殿秋迎臘太早計花神今歲良誇詡  
黃堂交筆爲爾吟題品再三猶記不天涯驟作懸麻執  
但聽人家擁爐語寂寂關門喚不應青錢可能沾重糈  
奪煬爭席吾敢校定知楚俗輕羈旅土風人情管頭好  
不比陽河輒相選饋漿亦有白首翁束蘊乃得青裘女  
推枕每被荒鷄催捉鞭動與寒鴈伍東村西里無乾地  
上山下山泥濺股隸斯任輦起復僵登頓連朝吾愧汝  
空荒頗怪人迹絕撩亂俄驚雪花舞攪絮舖鹽疑變幻  
寒壑漫山太熒侮瀾漫六幕眩明滅夢禾兩間迷仰俯

山川快帶巧裝鏤林藪爛斑幾纂組麋鹿決驟鳥鳥駭  
頡頏獵夫布置罟脚毛胷羽不遺力割鮮倒瓶供快茹  
人間壯觀今創見城市蔽虧無此覩跨驢索句信能事  
還憶詞壇有盟主風雲月露溢細素膏馥芳鮮存肺腑  
大筆軒軒軋時傑新篇袞袞流樂府擊節長哦風爲傳  
吮漱天籟含宮羽雪神風師底顏面解渠嚴冷聊夸與  
霧掃天開一彈指燭龍揚輝上瓊圃勞動愜快初不意  
倏忽起滅嗟如許及茲追悔前兩日浪喑萍蓬悲兕虎  
穀城重到昔所安今君存舊猶比數黃昏剝啄門爲啓



江湖長翁文集卷之八  
盤臥肥羊榼佳醕他時回首追陳迹可無甲子記毫楮  
歲乘赤虵月就盈中澣之後厭壬午

贈安道士

道士能琴  
亦吟詩

吳均傳世皆妙語善昇乃近崔遵度絲桐造妙詩疑神  
古來多屬方外人羨君矯矯雲山客子墨桐君生莫逆  
此人此藝吾了然錦囊傑句多時賢月斧雲斤且遊戲  
纏聲鹿鳴莫經意古人進藝道與俱如君不應古與殊  
謁帝行如稷丘子莫謾瓜芋嗤侯喜

江湖長翁文集卷之八終



